


國語元

周
書
下



列國語序

世傳左氏書二一春秋傳一八國語語中記其
國中事董董什一耳而上徹於七律六閒斗柄
天鼃之遠下逮乎三綱五際忠文仁讓之教鉅
包乎千品萬官億醜九咳之衆微及於鯢鮪麇
麋穀殍蚳蜎之細幽闡乎回祿夷羊擣杙驚驚
之怪明著於首領股肱手拇毛髮之顯幽章咸
紀鴻纖並載故猶曰春秋外傳也語名外傳則
傳內傳也劉成國曰春秋以魯為內以諸國為
外國語記諸君臣相與言語謀議之得失傳外



國事也營朝室者內而宮堂廟闈大廟小廟嚴
矣而門阿五雉宮隅七雉城隅九雉垣墉言言
籬柵詵詵而後稱完室夫堂皇之內與城圖之
外均之不可兩敵之居也猶之魯之傳與夫諸
國之語均之不可兩亡之書也外者所以翼其
內而固之也巫之者曰富而豔非之者曰詞多
淫誣不槩於聖殲殲乎井蛙東海若之譏而毛
嬙西子不幸見之烏鱗也駭而遁矣至言忤於
耳而倒於心非明智莫之能信於左氏曷與焉
古今難史史郵難於亂世夫子曰吾猶及史之

闕文也閔世亂也當周之盛內史掌王之八枋
掌叙事策命外史掌書外今掌四方之志掌三
皇五帝之書官司書書紀事故文武成康穆昭
之世事班班如指掌迨其標季主自為國國自
為乘今所馮者春秋傳語與七國策數書而猶
巫且非則必其出於汲冢石函者始足馮耶太
史公之收採劉中壘之讎校王恭懿之章句與
夫鄭虞韋唐諸君之注疏夫豈不義而甘為之
忠臣與先是同年李惟中刻內傳於督學署中
不佞與郭相奎取外傳各分四國訂之註仍韋

氏益以宋氏補音條註其下字畫剗剗壹放內
傳庶幾稱左氏完書云後學已郡張一鯤撰

國語解叙

國語解叙

韋 昭

昔孔子發憤於舊史垂法於素王左丘明因聖
言以摠意託王義以流藻其淵源深大沈懿雅
麗可謂命世之才博物善作者也其明識高遠
雅思未盡故復采錄前世穆王以來下訖魯悼
知伯之誅邦國成敗嘉言善語陰陽律呂天時
人事逆順之數以為國語其文不主於經故號
曰外傳所以包羅天地探測禍福發起幽微章
表善惡者昭然甚明實為經藝並陳非特諸子

之倫也遭秦之亂幽而復光賈生史遷頗綜述
焉及劉光祿於漢成世始更考校是正疑繆至
於章帝鄭大司農為之訓註解疑釋滯昭晰可
觀至於細碎有所闕略侍中賈君敷而衍之其
所發明大義略舉為已憭矣然於文間時有遺
忘建安黃武之間故侍御史會稽虞君尚書僕
射丹陽唐君皆英才碩儒洽聞之士也采撫所
見因賈為主而損益之觀其辭義信多善者然
所理釋猶有異同昭以末學淺闇寡聞階數君
之成訓思事義之是非愚心頗有所覺今諸家

並行是非相質雖聰明疏達識機之士知所去
就然淺聞初學猶或未能祛過切不自料復為
之解因賈君之精實採唐虞之信善亦所以覺
增潤補綴參之以五經檢之以內傳以世本考
其流以爾雅齊其訓去非要存事實凡所發正
三百七事又諸家紛錯載述為煩是以時有所
見庶幾頗近事情裁有補益猶恐人之多言未
詳其故欲世覽者必察之也

國語解叙

國語補音叙錄

宋庠

按班固藝文志種別六經其春秋家有國語二十一
一篇注左丘明著至漢司馬子長撰史記遂
據國語世本戰國策以成其書當漢世左傳秘
而未行又不立於學官故此書亦弗顯唯上賢
達識之士好而尊之俗儒弗識也逮東漢左傳
漸布名儒始悟向來公穀膚近之說而多歸左
氏及杜元凱研精訓詁木鐸天下古今真謬之
學一旦冰釋雖國語亦從而大行蓋其書並出

丘明自魏晉以後書錄所題皆曰春秋外傳國語是則左傳為內國語為外二書相副以成大業凡事詳於內者略於外備於外者簡於內先儒孔晁亦以為然自鄭衆賈逵王肅虞翻唐固韋昭之徒並治其章句申之注釋為六經流亞非復諸子之倫自餘名儒碩士好是學者不可勝紀歷世離亂經籍亡逸今此書唯韋氏所解傳於世諸家章句遂無存者然觀韋氏所叙以鄭衆賈逵虞翻唐固為主而增損之故其注備而有體可謂一家之名學唯唐文人柳子厚作

非國語二篇攬撫左氏意外微細以為詆訾然
未足掩其鴻美左篇今完然與經籍並行無損
也庸何傷於道因略記前世名儒傳學姓氏別
之

後漢大司農鄭衆字仲師作國語章句亡其篇
數

漢侍中賈逵字景伯作左氏春秋及國語解詁
五十一篇左傳三十篇國語二十一篇隋志
云二十卷唐已亡

魏中領軍王肅字子雍作春秋外傳國語章句

一卷隋志云梁有二十二卷唐志亦云二十
二卷

吳侍御史虞翻字仲翔注春秋外傳國語二十
一卷

吳尚書僕射唐固字子正注春秋外傳國語二
十一卷

吳中書僕射侍中高陵亭侯韋昭字弘嗣注春
秋外傳國語二十一卷隋志云二十二卷唐
志二十一卷與今見行篇次同

晉五經博士孔晁注春秋外傳國語二十卷唐

志二十一卷

右按古今卷第亦多不同或云二十一一篇或二十二卷或二十卷然據班志最先出賈逵次之皆云二十一一篇此實舊書之定數也其後或互有損益蓋諸儒章句煩簡不同拆簡併篇自名其學蓋不足疑也要之藝文志為審矣又按先儒未有為國語音者蓋外內傳文多相涉字音亦通故邪然近世傳舊音一篇不著撰人名氏尋其說乃唐人也何以證之據解犬戎樹惇引鄯州羌為說夫改鄯善國為州自唐始耳然其

音簡陋不足名書但其間時出異聞義均雞肋
庠因暇輒記其所闕不覺盈篇今因舊本而廣
之凡成三卷其字音反切除存本說外悉以陸
德明經傳釋文為主亦將稽舊學除臆說也唯
陸音不載者則以說文字書集韻等附益之彌
曰國語補音其間闕疑請俟鴻博非敢傳之達
識姑以示兒曹云

目錄

周語上第一

周語中第二

周語下第三

魯語上第四

魯語下第五

齊語第六

晉語第七

或云國語次行別起晉語一下復曰武公按此卷唯載武公一

節其餘盡記獻公驪姬事則後人妄加明矣

晉語第八

此亦於卷外題晉語二下復標曰獻公諸本不一

晉語第九

卷外並題曰晉語三自此以下至第十五皆如此

晉語第十

晉語第十一

此卷題曰襄公

晉語第十二

此卷題曰厲公

晉語第十三

此卷題曰悼公

晉語第十四

晉語第十五

此卷題曰昭公

鄭語第十六

或題曰鄭桓第十六

楚語上第十七

楚語下第十八

吳語第十九

越語上第二十

越語下第二十一

按諸本題卷次序各異或有先題國語卷第幾作一行次又別題曰某語次下又別題曰某公疑皆後人以意妄自標目然不能得其定本未知孰是庠家舊藏此書亦參差不一天聖初有宗人同年生緘假庠此書最有條例因取官私所藏凡十五六本校緘之書其間雖或魯魚而緘本大體為詳又題號諸篇較若畫一並不著卷字但曰某語第幾其間唯一國有一篇或二三篇者則加上中下以為別然不知此目興自何世及何人論次決非立明所自造蓋歷世儒

者各有章句並擅為部第莫可知已唯此本題
卷不與諸家類今輒據以為正云

國語補音叙錄

校補國語凡

凡標題諸本俱先題某語第幾下復題國語二字似於綱目先後不倫今據宋庠所藏舊本先題國語第幾別一行題某語以為正云

凡八國下舊無世繫今悉加之用杜氏世族譜亦從其注內傳例也

凡國語諸本俱無音釋僅有舊音俚不可觀惟宋氏祖舊音而為補音用心勤矣但自為一卷難於討尋今取音切附諸各條各句之下庶幾便覽

凡補音既多繁蕪又有踈漏或初學易識者並
加音切至典籍不常經見者顧獨失音今並
刪補

凡音切條釋字下或一篇之中有重出者則前
云後並同餘不復釋

凡補音有辯證閒有指摘國語注者附於注末
餘辯舊音之非者悉不錄

凡舊音則直音某字補音則悉加反切彼此似
太重複今按直音之未當者乃用反切其當
者則仍舊直音示畫一也

國語第一

吳高陵亭侯韋昭解
宋鄭國公宋庠補音

明侍御史蜀張一鯤
芝李時成閱虞部郎豫章郭子章
選部郎東粵周光鎮校

周語上杜預世族譜云黃帝之苗裔姓后
稷之後封於邰及衰稷子不窋失職

竄於西戎至十二代孫曰太王為狄逼遷
岐至孫文王受命武王克殷而有天下至

幽王為犬戎所殺平王東遷乃居王城今
按舊音每國之前特於國名下序其世系

始末甚詳
他皆倣此

穆王將征犬戎穆王周康王之孫昭王之子穆
王滿也征正也上討下之稱犬

戎西戎之別
名在荒服祭公謀父諫曰不可祭莊界切父
音甫按經史

唯父母字如字其餘凡涉地名人名皆音甫○
祭畿內之國周公之後為王卿士謀父字也傳

凡傳曰之傳並同將將丈切肱才故切胤引信
先王耀德不觀兵化耀明也觀示也明德尚道

然後致誅不以武夫兵戰而時動動則威夫音扶

也時動謂三時務農一時講武守則有財征則

威觀則玩玩則無震玩黷也震懼也是故周文

公之頌曰文公周公旦之謚也頌時邁之詩武

為于偽切守手又切載戰千戈載橐弓矢橐古

聚斂其千戈韜藏其弓矢示不復用言天下已定

我求懿德肆于時夏夏戶雅切

永義德故陳其功於是夏而歌之樂章大者曰

夏允王保之允信也信哉武王能保此時夏之義也先王之於民

也茂正其德而厚其性茂莫候切通作懋性也○阜

其財求阜大也○鄭之亮切壅於勇切而利其器用

○器兵甲也用耒耜之屬明利害之鄉○鄉許亮切示之以

好惡鄉方也○好呼以文修之○文禮也使務利而

避害懷德而畏威故能保世以滋大保守也滋益也昔

我先世后稷后君也稷官也父子相繼曰世謂棄與不窋○窋竹律切凡後同

以服事虞夏謂棄為舜后稷不窋之衰也棄

稷弗務棄廢也衰謂啓子太康也廢稷之官不復務農夏書序曰太康失國昆弟五人

須於洛汭是也我先王不窋用失其官失稷官也

棄之子周之禘洽文武必先不密故通謂之王

商頌亦以契為玄王禘大計切而自竄於戎翟之

緯日三年一給五年一禘先而自竄於戎翟之

間翟或作狄音同不敢怠業時序其德纂

修其緒纂作管切修其訓典訓教也朝夕

恪勤守以惇篤奉以忠信奕世載德不忝前人

光明而加以慈和事神保民莫不欣喜保養

商王帝辛大惡於民商殷之本庶民

弗忍欣戴武王以致我於商牧戴奉也戎兵也

亦前人也或成也忝辱也至於武王昭前之

是先王非務武也勤恤民隱而除其害也

也夫先王之制邦內甸服甸田徧切○邦內謂

商頌曰邦畿千里惟民所止王制曰千里之內

曰甸京邑在其中央故夏書曰五百里甸服則

古今同矣甸王田也服服其職業也自商以前

并畿內為五服武王克殷周公致太平因禹所

弼除畿內更制天下為九服之外曰甸服今謀父

諫穆王稱先王之制猶以王畿為甸服者甸古

名世俗所習也故周襄王謂晉文公曰昔我先

王之有天下也規方千里以為甸服是也周禮

亦以蠻服為要服是以相况矣○畿音祈下同

弼防密切更音庚要於邦外侯服邦外邦畿之

之地謂之侯服侯服侯圻也言諸侯之近者歲

一來見○圻勤衣切通作畿下同見乎徧切後

並同注中見字非侯衛賓服此總言之也侯侯

一皆當以意求之

自侯圻至衛圻其間凡五圻圻五百里五二

千五百里中國之界也謂之賓服常以服貢賓

見於三五圻者侯圻之外曰甸圻甸圻之外曰

男圻男圻之外曰采圻采圻之外曰衛圻周書

康誥曰侯甸男采衛是也凡此服數蠻夷要服

諸家之說皆紛錯不同唯賈君近之

蠻蠻圻也夷夷圻也周禮衛圻之外曰蠻圻去

王城三百里九州之界也夷圻去王城四

千里周禮行人職衛圻之外謂之要服此言蠻

夷要服則夷圻朝貢或與蠻圻同也要者要結

好信而服從之○朝戎翟荒服戎翟去王城四

馳遙切好呼報切

千里也四千五百里為鎮圻五千五百里至五

九州之外荒裔之地與戎翟同俗故謂之荒荒

忽無常甸服者祭之君其見無數采地侯服者祀

之也言也

供月祀也堯舜及賓服者享周禮甸圻二歲而

周侯服皆歲見

見男圻三歲而見采圻四歲而見衛圻五歲而

見其見也皆以所貢助祭於廟孝經所謂四海

之內各以要服者貢供歲貢也要荒服者王王

事天子也周禮九州之外謂之蕃國世一見各以其所貴瑞為摯詩曰自彼氏羗莫敢不來王

○瑞古寶字後同摯音至或日祭日祭祭于祖

近漢月祀○月祀於魯高切時享○時享於二桃切歲貢

○歲貢於壇○壇時戰切終王王終謂世終也朝嗣先王之訓

也有不祭則修意意志意也謂邦甸之內有違

貢畿內近知王意也有不祀則修言言令也有不享則修文

文典法也有不貢則修名名謂尊卑職貢之名躋晉

有不王則修德遠人不服則修序成而有不至

則修刑序成謂上五者次序也已於是乎有刑

不祭伐不祀征不享讓不貢讓譴責也○告不

王告古毒切下同○謂以文辭告曉之地遠者

於是乎有刑罰之辟辟婢亦切○有攻伐之兵

伐不祀也有征討之備征不祀也有威讓之令讓不貢也有文

告之辭王告不也布令陳辭而又不至則又增修於

德無動民於遠也勤勞是以近無不聽遠無不服

今自大畢伯仕之終也大畢伯仕犬戎氏之二君終率也犬戎

氏以其職來王以其職謂其嗣子也天子曰予

必以不享征之且觀之兵戎享賓服之禮以責犬戎而示之兵非也

其無乃廢先王之訓而王幾頓乎幾居衣切○幾危也頓敗

也
吾聞夫犬戎樹惇戎樹立也言犬性惇撲能帥舊德而

守終純固帥所律切○帥循也純專也固一也言犬戎氏循先王之舊德奉其常職

天性專一終身不移不聽穆王責其享也其有以禦我矣禦猶應也距也王

不聽遂征之得四白狼四白鹿以歸犬戎所貢

自是荒服者不至穆王責犬戎以非禮暴兵露師傷威毀信故荒服者不至

○暴蒲
木切

恭王游於涇上密康公從從慈用切○恭王穆王之子恭王伊扈也

涇水名康公密國之君姬姓○扈侯古切按史記共王名繫扈世年人物表作伊扈有三

女奔之奔不由媒氏也三女同姓其母曰必致之於王康公之母

欲使進夫獸三為羣自三以人三為衆女三為

粲○粲七岸切王田不取羣不盡羣也易曰王公

行下衆○國公諸侯也下象不敢誣衆也禮王御不

參一族○參七南切○御婦官也參三也一族一

女○大計切夫粲美之物也衆以美物歸女而何德

以堪之女音汝下同○堪王猶不堪况爾小醜

醜○醜類也王者至尊小醜備物終必

亡言德小而物備康公弗獻一年王滅密密今

陰密縣

厲王虐國人謗王厲王恭王之魯孫夷王之字

周厲王名按史記人物表並同俗本多作胡齊非是胡齊乃釐王名也厲王後凡七世謗差匪

即切說文召公告王曰民不堪命矣作邵告古毒

切下同也為王卿士言民不堪暴虐之政令王怒得衛

巫使監謗者察也以巫有神靈有謗必知之監

以告則殺之王則殺之國人莫敢言道路以目

不敢發言以目相盼王喜告召公曰吾能弭謗

矣乃不敢言弭彌耳切召公曰是鄭之也亮切

防也防民之口甚於防川可防而口又甚也川

壅而潰傷人必多壅於勇切後同潰戶內切民

亦如之害民之敗亂是故為川決之使導為治也

借為治直吏切治本平聲為民者宣之使言宣猶

卷一百一十五

觀民所言以故天子聽政使公卿至於列士獻

詩獻詩以風也列士上士也瞽獻典瞽音古

樂樂師典史獻書史外史也周官外史師箴箴

林切師小師也箴箴刺王闕駿賦駿音叟即

以正得矢刺七賜切俗作矇誦矇音蒙有矇

所獻詩也矇賦公卿列士矇誦矇音蒙有矇

周禮矇主絃歌風誦百工諫者百工執技以事上

諫謂矇匠師慶諫魯莊公庶人傳語語魚據切

丹楹刻桷者○補古岳切庶人傳語語魚據切

賤見時得失不得近臣盡規也近臣謂驂僕之屬

達傳以語王也告王也○親戚補察王補過察察政也傳曰自

其過察瞽史教誨時瞽樂大師史大史也掌陰陽天

公曰吾非瞽史焉知天道○大他盖切後者艾

修之者音祈艾五盖切東齊人謂尊為者艾○

而後王斟酌焉斟酌行也是以事行而不悖悖步沒切

一說梁王以佛有悖音改悖為背按民之有口

也猶土之有山川也財用於是乎出猶若也山

地氣而出財用口亦猶其有原隰衍沃也衣食

於是乎生隰詳立切沃一毒切○廣平曰原下

代口之宣言也善敗於是乎興行善而備敗民

善者行之其所惡者所以阜財用衣食者也阜

也夫民慮之於心而宣之於口成而行之胡可

壅也若壅其口其與能幾何與辯也能幾何何言不久也王弗

聽於是國人莫敢出言三年乃流王於彘彘音

流放也彘晉地漢為彘縣屬河東今日永安

厲王說榮夷公說古悅字○說好也榮國名夷謚也○好呼報切下同謚神也

切芮良夫曰芮如銳切○芮良夫周大夫芮伯也王室其將卑乎

早微也夫榮公好專利而不知大難難乃旦切下同○專擅也

夫利百物之所生也利生於物也專天地之所

載也載成也地受天氣以成百物而或專之其害多矣害謂惡害

榮公者多也孔子曰放於利而天地百物皆將

取焉胡可專也取天地成百物民皆將所怒甚多

而不備大難以是教王王能久乎夫王人者將

導利而布之上下者也謂導開也布賦也上使神

人百物無不得其極也極中猶日怵惕懼怨之來

也日或作曰義亦兩通怵救律切惕他歷切故頌曰思文后

稷克配彼天立我烝民莫匪爾極頌周頌也思

稷以配天之樂歌經緯天地日文克能也烝衆也莫無也匪不也爾女也極中也言周公思有

文德者后稷其功乃能配於天謂堯時鴻水稷播百穀立我衆民之道無不於女時得其中者

功至大也大雅曰陳錫載周大雅文王之二章

文王布賜施利以載是不布利而懼難乎言后

成周道故能載周以至於今今王學專利其

王既布利又懼難也

可乎言不匹夫專利猶謂之盜王而行之其歸

鮮矣鮮息淺切也歸附周者寡也榮公若用周必敗既榮

公為卿士既已也卿士諸侯不享王流於薳享

也

薳之亂宣王在召公之宮宣王厲王之子宣王靖也在召公宮者避

難奔召公靖宣王名史記作國人圍之召公

曰昔吾驟諫王王不從以及此難驟仕又切今

殺王子王其以我為懟而怒乎懟宣類切○殺

殺之夫事君者險而不懟君諸侯也在危險之

慶鄭恐惠公懷諫違卜怨而不怒况事王乎怨

望也怒乃以其子代宣王宣王長而立之長展

○歲之亂公卿相與和而修政事 宣王立○共和按舊說汲冢書共和凡

恭共伯名和然韋氏自依史

宣王即位不藉千畝藉慈夜切或作籍凡後籍

以為之天子田藉千畝諸侯百畝自厲王之流

弼文公諫曰號古伯切○賈侍中云文公文王

叔之號西號也宣王都 不可夫民之大事在農

穀民之命故 上帝之粢盛於是乎出粢音咨盛

於農也器實曰 民之蕃庶於是乎生蕃音煩○

也衆 事之共給於是乎在共音供通作供○ 和協

輯睦於是乎興輯秦入切○協合財用蕃殖於

是乎始殖長也○敦龐純固於是乎成龐莫江切○敦

厚也龐大也是故稷為大官民之大事在農故稷為大官古者

大史順時觀土觀音脉陽瘳憤盈土氣震發

瘳丁賀切又得案切俱訓病也○瘳厚也憤積也盈滿也震動也發起也農祥晨正

農祥房星也晨正謂立春之日晨日月底於天

廟底音旨○底至也天廟營室也土乃脉發脉理也

書曰春土冒振陳根可拔耕者先時九日先時為切

下並同○先大史告稷曰自今至於初吉初言二月

朔日也詩云陽氣俱蒸土膏其動蒸之承切○土膏土

潤也其動
潤澤欲行
弗震弗渝脉其滿
告穀乃不殖
朱切

皆所景切○震動也渝變也告火也言陽氣俱
升土膏欲動當即發動變瀉其氣不然則脉滿

氣結更為灾稷以告
告古毒切下同
王曰史

帥陽官以命我司事
帥所律切後同○史大史

也曰距今九日土其俱動
距白許切
王其祗祓

監農不易
祓音拂監古銜切下同○祗敬也祓

晉莊皆
王乃使司徒咸戒公卿百吏庶民
百吏

也庶民甸師氏所掌之民主耕
司空除壇於藉

司空掌
命農大夫咸戒農用
農大夫田畯也農

峻
先時五日
先耕時也
瞽告有協風至
瞽樂大師知

也風氣和時候至王即齊宮所齊百官御事各

即其齊三日御治也○王乃淳濯饗醴薄之純

角切醴盧啓切○薄沃也濯洗也饗及期期耕

飲也謂王沐浴飲醴酒○飲於鳩切及期期耕

鬱人薦鬯宜鬱於物切鬯丑亮切○鬱鬱金香草

祭紀賓客和鬱鬯以實彝而陳之共王之犧人

薦醴犧許宜切○犧人司王裸鬯饗醴乃行裸

也灌鬯飲醴皆百吏庶民畢從及藉后稷監之

從慈用切膳夫農正陳藉禮膳夫上士也掌王

食農正田大夫主穀陳藉禮而大史贊王贊導

祭其神為農祈也○為於偽切大史贊王也

王敬從之王耕一墮墮音鉢又音發與墮同○

以一耕耕切 ○ 班三之班次也三於下各三其上

二十七 庶人終於千畝耕也 其後稷省功大史監

之司徒省民大師監之畢宰夫陳饗膳宰監之

省志井切後並同 ○ 宰夫膳夫贊王王歆大牢

歆許金切大他 班嘗之公卿大 庶人終食終畢

是日也瞽帥音官以省風土音官樂官也風土

氣和則廩於藉東南鍾而藏之廩力錦切 ○ 廩

東南生長之處鍾聚也謂為廩以藏王所藉田

成而時布之於農布賦 稷則徧戒百姓紀農協

功紀猶綜理 曰陰陽分布震雷出滯陰陽分日

也明宣月令曰日夜分雷乃發聲土不備

壘辟在司寇壘口狠切辟奸亦切○壘壘也乃

命其旅曰徇旅象也徇行也○行農農師一之

先往也農農正冉之故次農農正后稷之佐田峻切后

稷三之后稷農官之司空四之司空司空三道路溝

通呼司徒五之司徒司徒省民大保六之大師七之

大保大師天子三公佐王論道記監象官大史

八之大史掌逆官府之治故宗伯九之宗伯九之官掌相

王之大史○相息亮切與羊茹切王則大徇大

親行農也夫耨穫亦如之○耨乃豆切獲戶郭切

民用莫不震動恪恭於農恪苦各切○修其疆

畔日服其罽不解於時罽音博解古賣切○疆

鉏仕切財用不乏民用和同是時也王事唯農是

務無有求利於其官以干農功求利謂變易役使干亂農功

三時務農而一時講武三時春夏秋一講習也故征則

有威守則有財若是乃能媚於神媚說也○而

和於民矣則享祀時至而布施優裕也施式鼓切○優

饒也裕也今天子欲修先王之緒而棄其大功匱

神匱神之神不耕藉也之祀而困民之財困民之財取於民也將何

以求福用民王弗聽三十九年戰於千畝王師

敗績於姜氏之戎姜氏之戎西戎之別種四嶽

商書言宣王不納諫務農無以事神使民以致弱敗之咎○種章勇切

魯武公以括與戲見王括古活切戲休宜切見

玄孫獻公之子武公也○長展兩切下並同按韋注括戲括弟懿公也○長展兩切下並同按韋注括

武公長子伯御也今考史記魯世家宣王立戲為魯太子戲立是為懿公九年懿公兄括之子

伯御與魯人攻殺懿公而自立則伯御乃括之子明矣又按班固人物表伯御懿公兄子與史

記台今以括為王立戲太子為樊仲山父諫曰不

可立也樊扶袁切○仲山父王鄉不順必犯順

立少也紀魯必紀王命犯王命必誅故出令不

可不順也令之不行政之不立政令不行即行而

不順民將棄上

使長事少故民必棄上

夫下事上少事長

所以為順也今天子立諸侯而建其少是教逆

也若魯從之而諸侯倣之王命將有所壅

倣胡教切

○言先王立長之命將壅塞不行○塞悉則切若不從而誅之是自誅

王命也

誅王命者先王之命立長今魯亦立長若誅之是自誅王命也

是事也

誅亦失不誅亦失

誅之則誅王命不誅則王命廢

天子其圖之

王卒立之魯侯歸而卒及魯人殺懿公

卒遵申切殺申

志切○懿公戲也

而立伯御

伯御括也

三十二年宣王伐魯

立孝公

孝公懿公之弟稱也

諸侯從是而不睦

睦不睦不睦睦於王

宣王欲得國子之能導訓諸侯者

賈侍中云國子諸侯之嗣

子或云國子諸侯之子欲使訓導諸侯子也尚書云國子謂諸侯能治國子養百姓者昭謂

國子同姓諸姬也兄王之子弟謂之國子樊穆仲子導訓諸侯謂為州伯者○治直吏切

曰魯侯孝魯侯仲山父之謚也猶王曰何以知

之對曰肅恭明神而敬事耆老耆音苟○賦事

行刑必問於遺訓遺訓先王之教而咨於故實故實謀也

是者事之不干所問不犯所咨王曰然則能訓治其

民矣乃命魯存公於夷宮命為侯伯也夷宮者宣王祖父夷王之廟

古者爵命必於祖廟

宣王既喪南國之師喪亡也南國敗於姜戎氏時所

日滔滔江漢乃料民於大原料數也大原地名南國之紀○數所矩切下同

仲山父諫曰民不可料也夫古者不料民而知

其少多司民協孤終協胡頰切凡下同○司民

上皆書於版協合也無父曰孤司商協名姓司

掌賜族受姓之官商金聲清謂司徒協旅司徒

師旅司寇協姦司寇刑官也掌合姦牧協職禮

牧人掌牧養犧牲合其工協革工百工之官革

物色之數○犧許宜切場協入場入掌場圃委積之珍物

更古衡切廩協出廩人掌九穀是則少多死生出入往來

者皆可知也於是乎又審之以事事謂因藉田

知其數也王治農於藉藉藉於千蒐於農隙隙共逆

田曰菟菟擇也禽獸懷妊未著秋乃取之
也農隙仲春既耕之後隙間○妊如林切
耨穫

亦於藉

言王亦至於藉考課之

獮於既烝

獮息淺切○秋田曰獮獮殺也

順時始殺也烝升也月令孟秋乃

獮於既烝

獮於畢時

冬田

日狩圍守而取之
旱時時務畢也

是皆習民數者也又何料焉

習簡也

不謂其少而大料之是示少而惡事也

惡鳥

路切下同○言王不謂其衆少而大料數之

臨

政示少諸侯避之

示言天下以寡弱諸侯將避也○遠于願切

治民惡事無以賦令

言厭惡政事也

且無故而料

民天之所惡也

故事也天

害於政而妨於後嗣

害政賊為政之道也妨後嗣為將有禍亂也

王卒料之及幽王乃廢

滅

卒遵韋切○幽王宣王之子幽王宮
滅也滅謂滅西周也○湮乃結切

幽王三年西周三川皆震

西周鎬京也幽王在
焉蓋岐之所近也三

川涇渭汭出於岐山也震動也
地震故三川亦動也川竭也

伯陽父曰周將

亡矣

周伯陽父

夫天地之氣不失其序

序次

若過

其序民之亂也

過失也言民者
不敢斥王也

陽伏而不能出

陰遁而不能蒸

蒸升也陰氣在下陽
氣迫之使不能升也

於是地

震

陰陽相迫氣動
於下故地震也

今三川實震是陽失其所而

鎮陰也

鎮音珍史記作填○鎮為
陰所鎮竿也○竿莊臨切

陽失而在陰

在陰在
陰下也

川源必塞

塞悉則切○國依山川
今源塞故國將亡也

夫水

土演而民用也

水土氣通為演
也水土氣通為演
則生物民得用也

水土無

演民之財用不亡何待水氣不潤土枯昔伊洛

竭而夏亡伊洛竭涸也伊出熊耳洛出河竭而

商亡商人所經今周德若二代之季矣二代之季謂桀

也其川源又塞塞必竭夫國必依山川依其精

也山崩川竭亡之徵也川竭山必崩水泉不潤枯朽而崩

若國亡不過十年數之紀也數起於一終於十十則更故曰紀

更切夫天之所棄不過其紀是歲也三川竭岐

山崩十一年幽王乃滅周乃東遷東遷謂平王

惠王三年惠王周莊王之孫釐王之子惠王亦

禧作邊伯石遨為國出王而立王子穰內傳作速

為韋委切魏徒回切○三子周大夫也魏莊王
之少子王姚之子王姚嬖於莊王生子魏子魏
有寵為國為之師及惠王即位取為國之圃及
還伯之宮又收石邀之秩故三子出王而立子
魏姚羊消切璧必計切賤而
得幸曰姚嬖圖必古切又音布
王處於鄭三年

子魏飲三大夫酒子國為客

處敬呂切飲於鵠

客上樂及徧儻

徧儻六代之樂也謂黃帝曰雲

夏啟曰大濩周曰大武一曰諸大

鄭厲公見獮

叔厲公鄭莊公之子厲公突號叔王

曰吾聞之

司寇行戮君為之不舉

不舉不舉也而况敢樂禍乎

今吾聞子魏歌舞不思憂夫出王而代其位禍

孰大焉臨禍忘憂是謂樂禍禍必及之盍納王

乎彌叔許諾鄭伯將王自圉門入彌叔自北門

入樂音洛益戶獵切國牛殺子續及三大夫王

乃入

十五年有神降於莘

莘所中切○惠王十五年魯莊三十二年降下也下

者言自止而下有聲象以接人等號地

王問於內史過

過古禾切下同○內

史周大夫過其名掌爵祿廢置及策命諸侯孤卿大夫

曰是何故固有之

乎故事也固猶嘗也

對曰有之國之將興其君齊明衷

正齊一也衷中一也

精潔惠和其德足以昭其馨香

惠愛也馨

升聞者

其惠足以同其民人

同猶一也

神饗而民

聽民神無怨故明神降之觀其政德而均布福

焉國之將亡其君貪冒辟邪邪似嗟切○淫佚

荒怠麤穢暴虐其政腥臊馨香不登佚音逸麤

荒力切○腥臊臭惡也登上也若香不上聞其

刑矯誣矯居表切○以詐用法百姓攜貳攜玄切

○攜離也明神弗蠲蠲古玄切而民有遠志遠于

貳二心也民神怨痛無所依懷懷歸故神亦往焉

願切○欲叛也觀其苛慝而降之禍苛胡歌切慝他得切是以

或見神以興亦或以亡昔夏之興也融降於崇

山融祝融也崇崇高山也其亡也回祿信於聆

隊聆音琴○回祿地名商之興也禱杌次於丕

山過信曰次丕大平山在河東○其亡也夷羊在牧夷羊神獸牧周之興也鸞鸞

鳴於岐山鸞進角切鸞仕角切○三君云鸞鸞

高同其在岐其衰也杜伯射王於鄩或作鎬○

鄩鄩京也杜國伯爵陶唐氏之後周春秋曰宣

王中杜伯起於道左衣朱衣朱冠操朱弓朱矢

射宣王中心折脊而死○衣上於既切下如字

操射食亦切中陟仲切是皆明神之志者也志記

史籍者在王曰今是何神也對曰昔昭王娶於房

曰房后昭王周成王之孫康王之子昭實有奕

德協於丹朱也丹朱堯子丹朱馮身以儀之生

穆王焉

馮皮冰切○馮依也儀匹也詩曰實惟我儀言房后之行有似丹朱丹朱馮依

其身而亡偶以生實臨照周之子孫而禍福之

夫神壹不遠徙遷焉

一心依馮於人不遠徙遷焉

若由是觀

之其丹朱乎王曰其誰受之對曰在豳土

言神在號

號其受之王曰然則何為

河為在號

對曰臣聞之道而得

神是謂逢福

逢迎也

淫而得神是謂貪禍

以貪取禍

今

豳少荒其亡乎王曰吾其若之何對曰使大宰

以祝史帥狸姓奉犧牲粢盛玉帛往獻焉

帥所律切

下同○大宰上卿掌祭祀之式玉帛之事祝大

祝掌祈福祥史大史掌次主位狸姓丹朱之後

神不散非類故帥

無有所祈也

祈求也勿有求

王

曰誦其幾何對曰昔堯臨民以五五年一巡守

今其胄見也見賢遍切○胄後神神之見也不過其

物物物數也若由是觀之不過五年王使大宰忌父

周公忌父也帥傳氏及祝史傳氏在周為傳氏奉犧牲玉

鬯往獻焉三鬯以灌地降神之圭長尺一寸有瓚所內

史過從至誦過古禾切而往也內史從慈用切○瓚瓚才旱切

使聽之誦公亦使祝史請土焉祝史號之祝史祝

申切內史過歸告王曰誦必亡矣不禋於神而求

福焉神必禍之告古毒切○不親於民而求用

焉民必違之財力也精意以享禋也禋於真切

慈保庶民親也慈愛也今彌公動匱百姓以逞

其違逞快也離民怒神而求利焉不亦難乎求利

謂請十九年晉取蒲惠王十九年

襄王使召公過及內史過賜晉惠公命過古禾切

王周僖王之孫惠王之子襄王鄭也召公過召穆公之後召武公也為王卿士惠公晉獻公之

庶子惠公夷吾也命瑞命諸侯呂甥卻芮相晉

侯不敬也相息亮切芮如銳切呂甥呂鮐切

敬慢情也晉侯執玉卑拜不稽首稽遺禮切

音台內傳音怡信圭信圭侯所執長七寸卑下也內史過

歸以告王曰晉不亡其君必無後嗣也後也且呂卻

將不免王曰何故對曰夏書有之曰衆非元后

何戴夏書逸書也元善也后非衆無與守邦邦國也

在湯誓曰余一人有辜無以萬夫湯誓商書也

湯誓無此言則已散亡矣天子自稱萬夫有辜

在余一人在余一人乃在般庚曰國之臧則維

女衆般音盤女音汝○般庚殷王祖乙之子今

衆歸功國之不臧則維余一人是有逸罰逸過也

猶辜也國俗之不善則維余一人如是則長衆使

民不可不慎也民之所急在於大事長展兩切下同

祀也先王知大事之必以衆濟也故被除其心

以和惠民

被孚勿切又音發○被猶拂也

考中度衷以涖之

度待

洛切涖音利○涖臨也考中考省已

昭明物則

以訓之

訓物事也

制義庶孚以行之

義宜也庶衆也孚信也當

制立事宜為衆所信而行之

被除其心精也

精潔也

考中度衷

忠也

忠恕也

昭明物則禮也制義庶孚信也然則

長衆使民之道非精不和非忠不立非禮不順

非信不行今晉侯即位而背外內之賂

賂音路○背外

不予秦地背內不予

虐其處者棄其信也

虐其處者

殺旦丕

不敬王命棄其禮也施其所惡棄其忠

也

惡為路切○已所不欲勿施於人所惡於下不以事上今晉侯皆施之於人故曰棄其忠

也 以惡實心棄其精也實滿也 四者皆棄則遠不

至而近不和矣四者精忠也 將何以守國古者先

王既有天下又崇立上帝明神而敬事之崇尊也立

立其地也上帝天也明神日月也 於是乎有朝日夕月以教民

事君朝馳遙切○禮天子以春分朝日以秋分夕月拜日於東門之外然則夕月在西門

之外 諸侯春秋受職於王以臨其民言不敢大

夫士日恪位著以儆其官儆京領切○中廷之左右曰位門屏之間

著 庶人工商各守其業以共其上猶恐有墜失

也故為車服旗章以旌之共音供○旌表也車服旗章上下有等所

以章明貴賤為之 為摯幣瑞節以鎮之摯音至或作贄

表識

○識職吏切

○鎮重也。執鴈士執雉庶人執鷩工執皮帛卿執羔大夫執鴈士執雉庶人執鷩工執皮帛卿執羔大夫。以馬璋以皮璧以帛琮以錦琥以繡璜以黼瑞。信圭七寸伯執躬圭亦七寸子執穀璧男執蒲璧皆五寸節六節也。山國用虎節土國用人節澤國用龍節皆以金為之。道路用旌節門闕用符節都鄙用管節皆以竹為之。○鷩音木琥音虎璜音戶。光切。為班爵貴賤以列之也。班次為令聞嘉譽。

以聲之。命述其功。美進爵加錫以聲之。猶有散。以聲之。命述其功。美進爵加錫以聲之。猶有散。

遷解慢而著在刑辟。流在裔土。亦切。○言為之。遷解慢而著在刑辟。流在裔土。亦切。○言為之。

法制備悉如此。尚有放散轉移解慢於事。於是不奉職業者。故加之刑辟。流之荒裔也。於是不奉職業者。故加之刑辟。流之荒裔也。

乎有夷蠻之國。遂為夷蠻。有斧鉞刀墨之民。斧鉞。乎有夷蠻之國。遂為夷蠻。有斧鉞刀墨之民。斧鉞。

大刑也。刀墨謂以刀刻其額。而況可以淫縱。墨室之。○額寫朗切。室知日切。而況可以淫縱。

其身乎夫晉侯非嗣也而得其位

嗣適嗣也。通丁歷切。

疊疊怵惕保任戒懼猶曰未也

疊亡偉切。說文無疊字當作媿。

任而林切。又而灼切。○疊疊勉勉也。保守也。任職也。居非其任。雖守職戒懼猶未足也。

若

將廣其心

廣其心。發情欲也。

而遠其鄰

遠于願切。○背秦賂也。

陵

其民

虐處者也。

而卑其上

不敬王命。

將何以固守

守守也。守夫

執玉卑替其摯也

替他計切。○替廢其執摯之禮。

拜不稽首

誣其王也

誣罔也。

替摯無鎮

鎮重也。無以自重。○重直隴切。

誣王

無民

民亦將誣之。

夫天事恒象

恒常也。事善象。吉事惡象凶。

任重

享大者必速及

速及於禍。

故晉侯誣王人亦將誣之

欲替其鎮人亦將替之大臣享其祿弗諫而阿

之亦必及焉大臣呂卻也享襄王三年而立晉

侯襄王三年魯僖之十八年而隕於韓隕於敏

年魯僖之十五年秦惠公背施忘德舉兵伐

之戰於韓原獲晉侯以歸隕其師徒三月而復

式○施切十六年而晉人殺懷公無胄○殺申志切

襄王十六年魯僖之二十四年懷公惠公之子

子圉也惠公卒子圉嗣立秦穆公納公子重耳

晉人刺懷秦人殺子金子公子金呂錫子公卻

公於高梁秦人殺子金子公為之字也二子悔

納重耳欲焚公宮而殺公寺人披以告公公潛

會秦伯於王城二子焚公宮求公不獲遂如河

國語一

襄王使大宰文公及內史興賜晉文公命大宰

王卿士王子虎也內史興周內史叔與父晉文

公獻公之子惠公異母兄重耳也命命服也諸

侯七命冕上卿逆於境迎晉侯郊勞勞來

迎用韋館諸宗廟館舍也舍於宗饋九牢牛羊豕

一牢上公饗餼九牢○設庭燎燎力燒切又力

於庭謂及期命於武宮期將事之日也武宮文

受王設桑主布几筵虞主獻公之主也練主用栗

而作主天子於是爵命世子世子即位受命服

懷故立獻公之主自以子繼父大宰涖之晉侯

端委以入說云衣玄端冠委貌諸侯祭服也昭

也士服大宰以王命命冕服冕大冠也服驚衣內

史贊之三命而後即冕服贊道也三命三以王

就既畢賓饗贈餞如公命侯伯之禮而加以

宴好之好呼報切○賓者主人所以接賓致餐饗

送飲酒之禮如公命侯伯之禮者如公受王命

卿也而言公者內史興歸以告王曰晉不可不

善也其君必霸逆王命敬謂上卿逆於奉禮義

成謂三讓賓饗敬王命順之道也成禮義德之

則也則德以道諸侯諸侯必歸之道上如字下

訓也且禮所以觀忠信仁義也言能行禮則忠所

以分也不心中則仁所以行也有恩則信所以守

也信守則義所以節也制事忠分則均仁行則

報信守則固義節則度得其度也分均無怨行報無

匱守固不偷偷苟且也節度不攜攜離也若民不怨而

財不匱令不偷而動不攜其何事不濟中能應

外忠也施三服義仁也賈侍中云三謂忠信仁也昭謂施三謂三讓也

守禮不淫信也行禮不疚義

也疚病也臣入晉境四者不失四者忠信仁義臣故曰晉

侯其能禮矣王其善之樹於有禮艾人必豐艾人必豐

王從之使於晉者道相逮也使所

及惠后之難王出在鄭難乃旦切○惠

襄王繼母陳嬀也陳嬀有寵生子帶將立未及

而卒子帶奔齊王復之又通於襄王之后隗氏

王廢隗氏周大夫顏叔挑子奉帶以翟師伐周
王出適鄭處於汜在魯僖二十四年○嫪居危
切隗午罪切處
敬呂切汜音巳
晉侯納之
在魯僖二十四年
殺子帶

襄王十六年立晉文公
襄王十六年魯
二十一年

年以諸侯朝於衡離且獻楚捷遂為踐土之盟

事馳遠切下同離一用切踐似淺切○襄王二
十一年魯僖二十八年也衡離踐土皆鄭地在

今河內溫地捷勝也勝楚所獲兵衆文公以僖
二十八年夏四月敗楚師於城濮城濮衛地也

旋王衡離大子臨之晉侯以諸侯朝王且獻所
得楚兵駟介百乘徒兵千也王命尹氏及王子

虎內史叔與史策命晉侯為侯伯賜之大輅之
服戎輅之服形弓一形矢百旅弓十旅矢千柜

匏一卣膚賁三百人○乘實證切形大冬
切旅音盧柜其呂切卣由頁二賁音奔
於是

乎始霸

國語第一

國語

第一

一

國語

國語第二

周語中

襄王十三年

襄王十三年魯僖之二十四年也下事見二十四年

鄭人伐

滑

滑姬姓小國也先是鄭伐滑滑人聽命鄭師還又即衛故鄭公子士泄堵俞彌帥師伐滑

古切

泄音薛堵下彌亡皮切

王使游孫伯請滑

游孫伯鄭人

執之

鄭人又怨襄公之與衛滑故不聽王命而

執王使

使所更切

王怒將以翟伐鄭

翟隗姓之國也○隗午罪切下並同

富辰諫曰不可

富辰周大夫也

人有言曰兄弟讒閼侮

人百里

闕火歷切○闕侮也兄弟雖以讒言相違狠猶禁禦他人侵侮已者百里諭遠

也○狠戶懇切或作恨非是

周文公之詩曰兄弟閱於牆外

禦其侮

文公之詩者周公旦之所作常棣之篇是也所以閔管蔡而親兄弟此二句其

四章也禦禁也言雖相與狠於牆室之內然能

外禦異族侮害已者其後周室既衰厲王無道

骨肉恩闕親親禮廢宴兄弟之樂絕故名穆公

思周德之不類而合其宗族於成周復修作常

棣之歌以親之鄭唐二君以為常棣穆公所作

失之矣唯賈君得之穆公名康公之後穆公虎

也去周公歷九王矣○按注若是則閱乃內侮

常棣今人多作唐棣非是

而雖閱不敗親也

雖已相狠外禦鄭在天子兄

弟也

言與襄王有兄弟之親

鄭武莊有大勲力於平桓

鄭武

桓公之子武公滑突也莊武公之子莊公寤生

也王功曰勲平幽王之子平王宜臼也桓平王

之孫太子泄父之子桓王林也幽王既滅鄭武

公以卿士夾輔平王東遷洛邑桓王即位鄭莊

公為之卿士以王命討不庭伐宋入郕在魯隱

十年唐尚書云王奪鄭伯政鄭伯不朝王伐鄭

鄭祝聃射王中肩豈得為功桓當為惠傳曰鄭
有年惠之勲昭謂鄭世有功而桓王不賞又奪
其政聃雖射王非莊公意又詩叙云桓王失信
諸侯背叛明桓王之非也下富辰又曰平桓莊
惠皆受鄭勞明各異人不為誤也○滑于八
突從忽切泄息列切邠時征切朝馳遙切聃音
南又他甘切射食
亦切中陟仲切

凡我周之東遷晉鄭是依

東遷

謂平王也晉語曰鄭先君武公與晉文侯戮力
一心股肱周室夾輔平王是也○戮力竹切稽

康呂靜音留字林音遼按戮字當作勦子殯之
从力者并力也諸本皆从戈古字通用

亂又鄭之由定

子殯而納之事在周
篡王而立惠王之子惠王叔父也

語上○篡初惠切

今以小忿棄之是以小怨

置大德也無乃不可乎

忿芳粉切○置猶廢也
詩云忘我大德思我小

怨

且夫兄弟之怨不徵於它

徵召也它

徵於它

利乃外矣

在外利

章怨外利不義

章明也

棄親即翟

不祥

祥善也棄親出翟師以伐鄭

以怨報德不仁

言鄭有德於王王怨

而伐之是為不仁

夫義所以生利也祥所以事神也仁

所以保民也

保養也

不義則利不阜

阜厚也

不祥則

福不降不仁則民不至古之明王不失此三德

者

三德仁義祥也

故能光有天下

光大也

而蘇寧百姓令

聞不忘

辭篆文和字按辭和古今字通用非專篆文聞音問

○不忘言德及後代也

王其不可以棄之王不聽

十七年王降翟師以伐鄭

降下也

王德翟人將以

其女為后富辰諫曰不可夫婚姻禍福之階也

階梯也 利內則福由之利外則取禍今王外利矣

利切疇直留切大宅蓋切下並同任而林切下
其無乃階禍乎昔摯疇之國也由大任摯

並同○摯疇二國任姓奚仲仲虺之後大任之

家也大任王之妃文王之母○虺許鬼切氏杞

任又曰思齊大任文王之母○杞繒二國姒

繒由大姒姓夏禹之後大姒之家也大姒文王

王之妃武齊許申呂由大姜後大姜之家大姜大

王之妃王陳由大姬陳媯姓舜後大姬周武王

女大姬配虞胡公而切是皆能內利親親者也利

內行七德親親昔鄆之亡也由仲任同○鄆姁下

以申固其家 鄭武公所滅非取任氏而亡也昭謂幽王為西

戎所殺而詩言衰姒滅之明禍有所密須由伯

姑鼓姑極乙切○伯姑密須之女也傳曰密須之

雅云密人不恭敢距大邦不由嫁女鄒由叔姪

而亡世本云密須姑姓○鞏古勇切鄒由叔姪

鄒古外切○鄒姪姓之國叔姪同姓之女為鄒

夫人唐尚書云亦鄭武公滅之不由女亡也昭

謂公羊傳曰先鄭伯有善乎鄒公聘由鄭姬聘

者通於夫人以取其國此之謂也

姓文王之子聃季之國鄭姬鄭女為聃夫人同

姓相取猶魯莊公取於吳人亦其黷姓所以亡

○黷徒息由陳媯

息媯姓之國陳媯陳女為息

木切媯將歸過蔡蔡哀侯止而見之弗賓媯以告息

侯導楚伐蔡蔡侯怨因稱息媯之義於楚子楚

子遂滅息歸鄧由楚曼曼音萬○鄧曼姓楚曼鄧

以息媯歸鄧由楚曼曼音萬○鄧曼姓楚曼鄧

過鄧而利其國羅由季姬羅熊姓之國季姬姬

遂滅鄧而無之羅由季姬羅熊姓之國季姬姬

廬由荆媯廬媯姓之國荆媯廬是皆外利離親

者也親外利行淫辟求利於外不能王曰利何如

而內何如而外對曰尊貴明賢庸勲長老兩長展

下並同○明顯也庸用愛親禮新親舊親六親

也勲功也長老尚齒也然則民莫不審固其心力以役上

令後為官不易方方道而財不匱竭貢賦有品

不乞求無不至動無不濟百姓兆民百姓百官

功受氏夫人奉利而歸諸上是利之內也扶○

十億曰兆夫若七德離判民乃攜貳判分也攜

謂尊貴各以利還還古退字後並同○以利上

至親舊利其身而去退自營也

求不暨是其外利也

暨其冀切
暨至也

夫翟無列於王

室

次列位也

鄭伯南也王而卑之是不尊貴也

賈待中云

南者在南服之侯伯或云南南面君也鄭司農云南謂子男鄭今之新鄭新定之於王城為在

畿內畿內之諸侯雖爵於侯伯周之舊法皆食子男之地招按內傳子產爭貢曰爵卑而貢重

者句服也鄭伯男也而使從公侯之貢懼弗給也以此言之鄭在男服明矣周公雖制土中設

九服至康王而西都鎬京其後衰微土地損減服制改易故鄭在男服禮畿外之侯伯世位其

見待重於采地之君翟豺狼之德也鄭未失周故曰是不尊貴之也

典王而蔑之是不明賢也

○蔑迷結切
蔑小也

平桓莊惠

皆受鄭勞王而棄之是不庸勲也

平王東遷依鄭武公桓王

即位鄭莊公佐之莊桓王之子莊王它也惠莊王之孫僖王之子惠王毋涼也為子續所篡出

居於鄭鄭厲公納之自平王以來鄭世鄭伯捷
有功故曰皆受鄭勞勞功也○宅音陀

之齒長矣王而弱之是不長老也
捷鄭文公之名弱猶釋也

翟隗姓也
赤翟鄭出自宣王王而虐之是不愛

親也
鄭桓公友宣王之弟出者夫禮新不閒舊

閒居諫切下王以翟女閒姜任非禮且棄舊也

姜氏任氏之女世為王妃嬪
今以翟女代之為棄舊也王一舉而棄七德

臣故曰利外矣書有之曰必有忍也若能濟

也
書逸言也若猶乃也濟成也王不忍小忿而

棄鄭又登叔隗以階翟
階翟翟禍也翟封豕豺狼也

不可厭也
厭一占切又於豔切王弗聽十八年

王黜翟后十八年魯僖二十四年也黜廢也翟

人來誅殺譚伯誅責也翟人奉子帶以攻富辰

曰昔吾驟諫三王弗從以及此難若我不出王

其以我為懟乎乃以其屬死之懟直類切難乃

死翟難初惠后欲立王子帶故以其黨啓翟

人言初者惠后已死也以其黨者謂驪叔挑子

翟人遂入周王乃出居於鄭晉文公納之王

適鄭居於汜也文公納之而

晉文公既定襄王於郊郊洛邑王王勞之以地

勞力報切王以其勤勞賞之以地辭辭受也謂陽樊溫原積茅之田○積徂九切

隧焉

隧徐醉切○賈侍中云隧王之葬禮闕地通路曰隧昭謂隧六隧也周禮天子遠郊

之內有六鄉則六軍之事也外有六隧掌供王之貢賦惟天子有隧諸侯則無○闕其月切

王弗許曰昔我先王之有天下也規方千里以

為甸服

規規畫以供上帝山川百神之祀以其職貢

供王祭也上帝天神五帝也山川五嶽河海也百神丘陵墳衍之神也以備百姓

兆民之用以待不庭不虞之患

百姓百官有世功者用財用也

庭直也虞度也至之患○庭待洽切其餘以均分

公侯伯子男

其餘甸縣之外地也均平也周禮公之地方五百里侯四百里伯三

百里子二百里男百里使各有寧宇

寧安也字居也以順及天地

無逢其災害

順順天地尊早之義也若相先王侵紀則有災害○侵古侵字

豈有賴焉利也言無所內官不過九御九御

婦符真切外官不過九品九品九卿周禮內

今有九卿足以供給神祇而已言嬪與

祀也魯語曰日入監九卿使宣敢獸縱其耳目

心腹以亂百度獸與厥同亦唯是

死生之服物采章采章采色文章也死之服謂

以臨長百姓而輕重布之王何異之有長展

輕重布之貴賤各有等也今天降禍灾於周

室余一人僅亦守府僅猶劣也府亮王之又不

佞以勤叔父勤勞也天子稱九州而班先王之

大物以賞私德

班分也大物謂隧也

其叔父實應且憎以

非余一人余一人豈敢有愛也

言應猶受憎惡也言晉文雖當私

賞猶非我一

先民有言曰改王改行

王以節行步

也若臣尊卑遲速有節言服其服器行

叔父若

能光裕大德更姓改物以創制天下自顯庸也

更音虞○光廣也裕寬也更姓易姓也改物改

正朔易服色也創造也庸用也謂為天子造創

制度自顯而縮取備物以鎮撫百姓

用於天下余一人其流辟於裔土何辭之與有

之屬尚將列為公侯以復先王之職大物

於荒裔復何陳辭之有若由是姬姓也

謂文公

其未可改也言文公善尚在公侯之位將成霸業以興王室復先王之職則六

未可也叔父其茂昭明德物將自至茂勉也言有天下則隧自

三余敢以私勞變前之大章以忝天下章表也所以表

明天子與諸其若先王與百姓何言無以幸先王鎮撫百姓

今之為也何以復臨百姓若不然叔父有

地而隧焉自制也余安能知之所不敢禁文公遂不

敢請受地而還遂音

王至自鄭襄王從鄭以陽樊賜晉文公陽樊二邑在畿

內也陽人不服不宜屬晉晉侯圍之倉葛呼曰呼火故切○倉

人也王以晉君為德行德故勞之以陽樊陽樊

懷我王德是以未從於晉○勞力報切謂君其何

德之布以懷柔之懷柔也使無有遠志遠于願切

志離今將大泯其宗祊祊門謂之祊宗祊猶宗廟也

也而蔑殺其民人蔑猶滅也宜吾不敢服也夫三軍

之所尋尋討也將蠻夷戎翟之驕逸不虔於是不乎

致武謂諸夏之國乃蠻夷之此羸者陽也未狎

君政羸劣隨切○羸弱也狎習也故臣承命君若惠及之唯

官是徵其敢逆命官晉有司也何足以辱師君之

武震無乃玩而頓乎震威也玩黷也言舉非義

將見慢黷臣聞之曰武不可覲文不可匿覲徒切

匿女力切○覲見也匿文覲武無烈烈威匿文不

昭陽不承獲甸而祇以覲武臣是以懼不然其

敢自愛也祗章移切○祇適也言陽人既不得

適以震威耀武而見殘破且夫陽豈有裔民裔民

謂凶惡之民夫亦皆天子之父兄甥舅也謂吾

之甥甥謂若之何其虐之也晉侯聞之曰是君子之

言也乃出陽民放令去也

溫之會晉人執衛成公歸之於周溫晉之河陽

公之子成公鄭也晉文公討不伏衛成公恃楚

弟叔武以受盟於踐土或愬元咺曰立叔武矣

衛侯殺其子角咺不廢命奉叔武以守晉人復

衛侯衛侯先期入叔武將沐聞君至喜捉髮走
出前驅射而殺之元咺出奔晉會於溫討不服
衛侯與元咺訟不勝故晉侯執之歸之於京師
在魯僖二十八年○愬蘇路切咺呼遠切捉側

角切射晉侯請殺之王曰不可夫政自上下者
食亦切切

也當從王上作政而下行之不逆故上下無怨

言君臣不相怨今叔父作政而不行無乃不可乎
謂不行

順也言晉侯不行德政而夫君臣無獄
獄訟也

訟直獄今元咺雖直不可聽也君臣皆獄父子
訟之義

將獄是無上下也而叔父聽之一逆矣又為臣

殺其君其安庸刑
庸用也布刑而不庸再逆矣

一合諸侯而有再逆政余懼其無後也
無後無以復合

諸侯不然余何私於衛侯晉人乃歸衛侯在魯僖三十年

晉侯使鑿衍酖衛侯不死魯僖為請於王及晉侯皆納王十鼓於是歸之○衍以善切酖直禁

切通作燭
鼓古學切

二十四年秦師將襲鄭過周北門襄王二十四年魯僖之三年

十二年秦師秦大夫孟明視之師
也輕曰襲周北門王城北門也左右免胄而

下兵車參乘御在中央故左右下也
免胄也脫胄而下敬天王也○乘實證切下

同堯丁侯
切鑿音予超乘者三百乘超乘者跳躍王孫滿

觀之言於王曰秦師必有謫謫大夫王孫之名謫

猶咎
也王曰何故對曰師輕而驕輕牽政切○輕謂超乘也驕謂

士卒不
肅也輕則寡謀驕則無禮無禮則脫脫簡脫謂不

寡謀自陷入險而脫能無敗乎

秦師無譴是道廢也是古

是行也秦師還鄭商覺之矯以鄭伯之命晉人

敗諸穀獲其三帥丙術視穀晉地也在今弘農

丙西乞術
孟明視

晉侯使隨會聘於周晉侯晉文公之孫成公之

子也○獮奴侯切焉子士季武定王饗之穀烝穀

襄王之孫頃王之子定王榆也烝升也升折俎

王名吏記作瑜人物表作榆原公相禮相息亮

公周鄉士原襄范子私於原公范子隨會也

會日隨會或曰范曰吾聞王室之禮無毀折今此

何禮也王見其語也召原公而問之原公以告

王召士季折之列切告古毒曰子弗聞乎禘郊

之事則有全烝也全烝全其牲體而升之王公立

飫則有房烝之飲一庶切○王天子公諸侯也禮

也○大房謂生解其體升之房親戚宴饗則有殽

烝之烝烝并體解節折今女非它也而叔父使士

季實來修舊德以獎王室女○獎成也唯是先

王之宴禮欲以貽女遺唯季切余一人敢設飫

禘焉禘飫全體忠非親禮而干舊職以亂前好呼好

報切下同○忠厚也親禮親戚宴饗
之禮也舊職故事前好先王之好也且唯夫戎

翟則有體薦體委與夫戎翟冒浚輕僂貪而不

讓輕牽政切僂什咸切○冒抵觸也浚沒入也僂達還上下無列也其血氣不治

若禽獸焉其適來班貢不俟馨香嘉味治直吏切○適

往也班賦也故坐諸門外而使舌人體委與之舌人

異方之志象胥之官也女今我王室之一二兄弟以時相

見兄弟將蘇協典禮以示民訓則協合也無亦

擇其柔嘉無亦不亦也○脆七歲切選其馨香潔其

酒醴品其百籩籩竹器容四升其實棗栗糗餌之屬○糗夫九切餌忍止切

脩其簠簋簠方矩切簋居洧切○奉其犧象犧許

宜切○犧犧尊飾以犧牛
象象尊以象骨為之飾
出其尊彝尊彝皆受

陳其鼎俎俎設於左牛豕為一列魚腊腸胃靜

其中罍罍音覓周禮有罍人即罍字敬其祓除

○祓祓手勿切又音敷體解節折而共飲食之於是

乎有折俎加豆飲於燭切後所加之豆也其實芹

道道免醢之屬○芹巨斤切道道免醢之屬○芹巨斤切酬幣宴貨酬報也

賓束帛之禮其宴束帛為好謂之宴貨以示容合好示容儀合胡

有孑然其效我翟也孑居熱切○子夫王公諸

侯之有飫也將以講事成章講講軍旅議大建

大德昭大物也大德大功大故立成禮烝而已

立成不坐也升
其備物而已
飫以顯物宴以食好
顯物示歲

飫不倦
歲行飫禮不至於時宴不淫
解倦○解佳賣切
必有一時之間

不至於淫酒
○酒彌究切
月會
會古外切○會計一月之經用
旬脩
脩日之

中所成
日完不忘
日完一日之所為
服物昭庸

采飾顯明
庸功也冕服旗章所以昭有
文章比

象
黼黻錦繡之文章也此象
周旋序順
周旋容止也序

次也各以次
容貌有崇
崇飾也容止可觀也
威儀有則
法則

也其威可畏
五味實氣
氣味以實氣
五色精心
色五

之章所以異賢
五聲昭德
昭德謂政平者其樂

不肖精其心也
五聲昭德
和也亦謂見其樂知

德其
五義紀宜
五義謂父義母慈
飲食可饗
同

可觀穀烝故可饗以可去不日和一心不二日

方九切財用可嘉厚酬幣宴貨以將則順而建德法則

也建立也古之善禮者將焉用全烝武子遂不敢對

而退歸乃講聚三代之典禮焉於虔切○三代於

是乎修執秩以為晉法秩常也可奉執以為常

自執秩之法自靈公以來闕而不

定王使單襄公聘於宋單常衍切○單襄公王

者王之所以撫萬國存省之○遂假道於陳以

聘於楚假古雅切○假道自宋適楚經陳也是

也聘禮若過國至於境使火朝覲矣道第不可

行也

朝陽也遙切覲見也草穢塞路為蒂朝見謂夏正十月

晨見於辰○見賢遍候不在疆疆居良切○候

賓客者司空不視塗司空卿官澤不陂陂班麋

郭也古不實澤故障之亮切川不梁流曰川梁渠梁

之野有庾積庾俞甫切積子賜切後同○唐尚

穀也詩云曾孫之庾如坻場功未畢場直羊切

如京是也○坻直基切道無列樹古者列樹以表道墾田

若執言其稀少猶若藝田曰墾藝猶蔣也膳宰不

致餼餼許氣切○膳宰膳夫也司里不授館司

授宰也掌國無寄寓寓亦寄也無寄寓者不為

縣無施舍

施舍四句為縣縣方六十里施舍者所以

作弛式尔切舍始夜切弛舍猶言休息居止之處以庇賓客負擔之勞任而林切民將

築臺于夏氏

民陳國之民臺觀臺也夏氏陳大夫夏徵舒之家○觀古亂切及

陳陳靈公與孔寧儀行父南冠以如夏氏留賓

弗見

公之賢徧切下同○及至也陳靈公舜後恭

卿南冠楚冠也如之也往之單子歸告王曰陳

侯不有大咎國必亡

單子襄公也卿大夫王曰

何故對曰夫辰角見而雨畢

辰角大辰倉龍之角角星名也見者

朝見東方建戌之初寒露節也

天根見而水涸

涸下各切又戶各切○天根氏亢之間也涸竭也謂寒露雨旱之後五日天根朝見水潦盡竭

也月令仲秋水始涸天根見乃盡竭○亢本見
古郎切又苦浪切氏丁号切又丁計切

而草木節解解下買切○本氏也謂寒露之後
十日陽氣盡草木之枝節皆理解

也駟見而隕霜隕落於敏切○駟天駟房星也
謂建戌之中霜始降火

見而清風戒寒謂霜降之後清風先至
所以戒人為寒備也故先王

之教曰雨畢而除道水涸而成梁教謂月令之
屬也九月雨

旱十月水涸草木節解而備藏備收藏也月令
季秋農事畢收隕霜

而冬裘具孟冬則天子始裘
故九月可以具之清風至而修城郭

宮室謂火見之後
建亥之初也故夏令曰九月除道十月成

梁夏令夏后氏之令周所因也除道所
以便行旅成梁所以便民使不涉也其時儆

曰收而場功侍而畚揭儆京領切收于又切或
如字下同侍丈几切畚

音本揭九玉切○時微時所以微告其民也收

而場功使人修困倉也倚具也番器名土籠也

揭鼻土之器具汝番揭將以營室之中土功其

始宣謂之營室謂建亥小雪之中定星昏正於

火之初見期於司里期會也致其築作之此先

王之所以不用財賄而廣施德於天下者也呼賄

罪切施式鼓切○施德謂因今陳國火朝覲矣

而道路若塞野場若棄澤不陂障川無舟梁舟梁

以舟為梁也是廢先王之教也周制有之曰列樹以

表道立鄙食以守路鄙四鄙十里有國有郊牧

國外曰郊牧置有寓望置居良切即疆字○置

放牧之地境也境界之上有寄寓

之舍候望之入藪有圃草澤無水曰藪圃大也必有茂大之草以備財用圃有

林池救圃切丁六切又于救切按經典多從于所以

禦灾也御備也灾其餘無非穀土民無縣報胡縣

土藪切言常用也入野無奧草奧於六切又烏

辟婢亦切也不奪民時不蔑民功蔑亡結切下

有優無匱有逸無罷國有班事罷音皮下同○

也執事有次縣有序民縣鄙之民今陳國道路不可

知田在草閒閒古間字○功成而不收野場若

民罷於逸樂罷於為國君是棄先王之法制者

也周之秩官有之秩官周常曰敵國賓至關尹

以告敵位敵也關尹司關掌四方賓客叩關則

幾人遂以入境行理以節逆之理吏也逆迎也

迎之也行候人為導導賓至於朝卿出郊勞力

報切○聘禮曰賓至於近門尹除門門尹司門

除門宗祝執祀宗宗伯祝大祝也執祀賓將有

司里授館司里授客所當館次司徒具徒具徒

司空視塗視險司寇詰姦詰姦盜

虞人入材虞人掌山澤之官祭甸人積薪甸人

火師監燎監古銜切下同燎力召切又力

水師監濯水師掌水監膳宰致餐餐音孫○廩

人獻餼

廩力錦切○生

司馬陳芻

司馬掌帥國

芻國職屬司馬○國魚呂切

工人展車

展省客車補傷敗也○省悉井切

官官以物至賓入如歸是故小大莫不懷愛大小

謂賓介也

其貴國之賓至則以班加一等益虔

貴國大國

次也班

至於王使則皆官正涖事

使所吏切○正長也涖臨也○

長展兩切

上卿監之

監親也

若王巡守則君親監之

守詩

救切

○周禮王

今雖朝也不才有分族於周

扶分

問切

一作介

○朝單子之親族也

承王命以為過賓於

陳

過古禾切

而司事莫至是蔑先王之官也

也蔑欺

先王之令有之曰

文武教

天道賞善而罰淫

故凡我造國無從非彝造祖蚤切○造無即愒

淫愒主刀切○即各守爾典以承天休休典常也

今陳侯不念胤續之常棄其伉儷妃嬪伉儷音亢記

切說文作力支切而帥其卿佐以淫於夏氏不

亦瀆姓矣乎帥所律切下同瀆徒谷切或作黷

漢也賈唐二君云姓命也一曰夏氏姓鄭女

陳公子夏之子靈公之從祖父嬀姓也而靈公

陳我大姬之後也大姬周武王之女虞胡公之

棄衮冕而南冠以出不亦簡彝乎衮古本切冕

龍之衣冕大冠也公之盛服簡略是又犯先王

之令也先王之令昔先王之教茂帥其德也猶

恐隕越隕于敏切○言勉若廢其教而棄其制

蔑其官而犯其令將何以守國則危居大國之

閒閒古間字○而無此四者其能久乎四者謂

也令六年單子如楚宣王六年魯八年陳侯殺於

夏氏殺申志切或作弒下同○八年魯宣之十

公謂行父曰徵舒似汝對曰亦似君徵舒病之

說文作奄九年楚子入陳楚子莊王也入陳討

陳而復討之故曰入唐尚書云遂

定王八年使劉康公聘於魯劉畿內之國康公

發幣於大夫

幣婢世切○發其

季文子孟獻子

皆儉

二子魯卿季文子季友之孫齊仲無佚之

孫教

之孫孟文伯歌之子仲孫叔孫宣子東門

子家皆侈

二子魯大夫叔孫宣子叔牙之曾孫

家莊公之孫東門襄仲之子

歸王問魯大夫孰

賢對曰季孟其長處魯乎叔孫東門其亡乎若

家不亡身必不免王曰何故對曰臣聞之為臣

必臣為君必君

臣尚敬君

寬肅宣惠君也

肅整

偏也惠

敬恪恭儉臣也寬所以保本也

本位也

愛也

肅所以濟時也

濟成

宣所以教施也

施

衆故可

肅所以濟時也

濟成

宣所以教施也

施

則民惠所以和民也本有保則必固時動而濟

則無敗功不干時而動教施而宣則徧惠以和

民則阜施式致切下阜厚也若本固而功成施徧而民

阜乃可以長保民矣其何事不徹徹宣列切俱訓

通字也敬所以承命也恪所以守業也恭所以

給事也儉所以足用也儉則有餘故以敬承命

則不違以恪守業則不懈以恭給事則寬於死

寬猶遠也以儉足用則遠於憂遠于願切○無乏絕

若承命不違守業不懈寬於死而遠於憂則

可以上下無隙矣隙去逆切○上下君臣也其

何任不堪上任事而徹下能堪其任所以為令

聞長世也聞音問○長也今夫二子者儉則能足

用矣二子季孟言二人用足則族可以庇庇必利切

○庇覆也恭儉節用無取於民國人說之故其宗族可以覆蔭○說古悅字覆芳富切蔭于禁

切二子者侈侈則不恤匱匱而不恤憂必及之

志在奢侈不恤人之窮匱故憂患必及之若是則必廣其身廣大也務自大

上不顧其也且夫人臣而侈國家弗堪亡之道也王

曰幾何對曰東門之位不若叔孫而秦侈焉不

可以事二君東門大夫叔孫卿也位在天下而侈其上重而無基故不可以事二

君叔孫之位不若季孟而亦秦侈焉不可以事

三君

叔孫孟上卿

若皆蚤世猶可

蚤世蚤即亡也其家猶可以免

也

若登年以載其毒必亡

登年多歷年也載行也毒害也必亡家必

也

十六年魯宣公卒

宣公之十六年

赴者未及

東門氏來告亂子家奔齊

告古毒切○來告告

謀去三桓使如晉未反宣公薨三桓逐子家遂奔齊也諸侯大夫以君命使出必有禮贊私

覲之事以通情結好亡凶相告子家嘗使於周故以亂告也告在魯宣十八年赴者未及明不

及二君好呼報切

簡王十一年魯叔孫宣伯亦奔齊成

公未浞二年

簡王宣王之子簡王夷也十一年魯成十六年也宣伯僑如也通於

宣公夫人穆姜欲去季孟而專公室國民逐之故出奔齊言成公未浞二年明不及三君也

簡王八年魯成公來朝

朝馳遙切下同○簡王八年魯成十三年也成

公將與周晉

使叔孫僑如先聘且告

告先悉薦切

○使僑如先修聘禮且

見王孫說與之語

說古悅字

下同○說

言於王曰魯叔孫之來也必有異

焉其享觀之幣薄而言諂殆請之也若請之必

欲賜也魯執政唯強故不歡焉而後遣之

諂殺檢切

○魯執政之人唯畏其強禦難距其欲故

且其

狀方上而銳下宜觸冒人王其勿賜若貪陵之

人來而盈其願是不賞善也且財不給

給供故

聖人之施舍也議之

施式致切舍音捨○施予也○予羊汝切

下同其喜怒取予也亦議之是以不主寬惠亦不

主猛毅

名也

主德義而已

實得其人罰當

王曰

諾使私問諸魯請之也王遂不賜禮如行人

使如

人之禮無加賜

及魯侯至仲孫蔑為介

在賓為介介上所以佐相禮

儀○相

王孫說與之語說讓

說好也言

說以語

王王厚賄之

語魚據切賄呼罪切

晉既克楚於鄢

鄢音偃楚人救之戰於鄢在魯成十六

年

使卻至告慶於周

卻去逆切告古毒切○卻至晉卿步楊之孫蒲城離

居之子溫季也告慶以勝楚之福告王也○昔七約切

未將事

將行也未行告慶之

王叔簡公飲之酒

飲於鵠切下同○王叔簡公周大夫王叔陳生也

交酬好貨皆厚

好呼韻切下同○交酬相酬之幣也好貨宴飲以貨為好厚者

也飲酒宴語相說也明日王叔子譽諸朝郤

至見召桓公與之語

說古悅字譽音餘下同朝馳遠切下同召上照切下

同○召桓公王卿士

召公以告單襄公曰王叔子譽溫季

以為必相晉國相晉國必大得諸侯勸二三君

子必先導焉可以樹

相息亮切○二三君子在朝公卿也導者導晉侯使

升郤至以為上卿可以樹黨於晉

今夫子見我以晉國之克也

為已實謀之

言戰勝楚吾之謀也

曰微我晉不戰矣

微無也

楚有五敗晉不知乘我則強之

強巨兩切又其亮切下同○乘

勝也背宋之盟一也

背音佩下同○宋盟宋華元所合晉楚之成也華元善楚

令尹子重又善晉樂武子故遂令二國之好盟在魯成十二年三十二年楚鄭背盟伐宋也○

化切薄德而以地賂諸侯二也楚王薄德鄭人

田賂鄭鄭叛晉從楚也棄壯之良而用幼弱三也謂壯之良

時幼弱謂司馬子反也建立卿士而不用其言四也卿士

子囊不欲背晉楚王不聽夷鄭從之三陳而不整五也陳直

○夷楚東之夷也晉語曰楚恭臯不由晉晉得

其民言楚叛盟非晉之四軍之帥旅力方剛時

立四軍四軍之帥晉八卿也藥書將中軍士燮

佐之卻錡將上軍荀偃佐之韓厥將下軍知

樂盧官切將子斤切下同燮先協切錡牛倚切

知音智營于耕率伍治整諸侯與之治直吏切

晉有信故是有五勝也有辭一也楚背盟故得

民二也軍帥彊禦三也行列治整四也諸侯輯

睦五也有一勝猶足用也有五勝以伐五敗而

避之者非人也不可以不戰禦范不欲我則強

之行下浪切經典多戶郎切下同戰而勝是吾

力也謂卻至曰楚有六間不且夫戰也微謀無

也言軍吾有三伐伐功也三伐勇而有禮反之

以仁吾三逐楚君之卒勇也見其君必下而趨

禮也車下下能獲鄭伯而赦之仁也郤至從鄭伯

日余從之乘而俘以下郤至曰傷國君有刑乃

止○弗府切切內傳作弗古字通翰胡安切又如若是而知晉國之政楚越必朝知政謂吾曰

子則賢矣

吾名桓公自謂

抑晉國之舉也不失其次吾

懼政之未及子也

郤至位在七人下故忍次未及也

謂我曰夫

何次之有首先大夫荀伯自下軍之佐以政

荀伯

荀林父也從下軍之佐

趙宣子未有軍行而以

政

宣子趙盾也為中軍佐第今藥伯自下軍往

藥伯藥書也將下軍

是三子也吾又過於四之

無不及

三子荀趙藥也得郤至四人言已之材優於彼四人也三人之中無有所不及

也若佐新軍而升為政不亦可乎將必求之是

其言也君以為奚若

言如是君以為何如也

襄公曰人有

言曰兵在其頸其郤至之謂乎君子不自稱也

○頸經郢切非以讓也惡其蓋人也惡為路切下同○蓋掩也

夫人性陵上者也如能上人上者人欲勝陵之也故君子上禮讓而天下莫

敢陵不可蓋也言人之美不可掩也求蓋人其抑下滋甚

滋益也求掩蓋人以自高也故聖人貴讓且諺曰

獸惡其網民惡其上獸惡其網為其害已民惡其上為其病已書曰

民可近也而不可上也書民可近可以思意近也

也詩曰愷悌君子求福不回回邪也

福以禮不以邪在禮敵必三讓敵體也是則聖人

知民之不可加也上加猶也故王天下者必先諸民

然後庇焉則能長利王于况切○先諸民先求民志也庇猶廕也言王者

先安民然後自庇廕也長利長有福利也今卻至在七人之下而欲

上之是求蓋七人也其亦有七怨怨在小醜猶

不可堪而況在侈卿乎其何以待之○上時掌切待猶備

也晉之克也天有惡於楚也故傲之以晉而卻

至佻天以為已力不亦難乎佻上堯切下同○佻偷也偷天功以

為已佻天不祥乘人不義乘陵也不祥則天棄之

不義則民畔之且卻至何三伐之有夫仁禮勇

皆民之為也民力所為以義死用謂之勇若富奉義

順則謂之禮謂若管仲畜義豐功謂之仁豐大也謂

若狐偃輔晉文茲仁為佻以茲偽行仁為偷仁謂獲鄭

姦禮為羞

差恥也謂見楚君而趨

姦勇為賊

還賊國也姦勇謂逐楚卒

夫戰盡敵為上守辭同順義為上

守和同謂不相與戰而平

和也順義順王義也

故制我以果毅

戎兵也殺敵為果致果為毅

制朝

以序成

序次也朝不序則政成

畔戰而擅舍鄭君賊也棄

毅行容羞也

容客儀也謂下趨也

畔國即讎仇也

畔其國而即讎

人謂故鄭伯欲以倫仁也

有三姦以求替其上遠於得政矣

替它計切遠于願切○替廢也

以吾觀之兵在其頸不可久也

雖吾王叔未能違難在大誓曰民之所欲天必

從之王叔欲卻至能勿從乎

唯乃旦切大他蓋切向書作泰誓○

達達也今周書大誓無此言其辭亡乎○按所引大誓語韋氏以為散亡今考尚書古文二語

甚具蓋當時孔氏古
郤至歸明年死難明七年魯

文未出韋故云然
及伯與之獄王叔陳生奔晉伯與

厲公所殺為
夫獄訟也王叔陳生與伯與爭政王佐
伯與王叔不勝遂出奔晉在魯襄十年

國語第二

國語第三

周語下

柯陵之會

柯陵鄭西地名經書公會尹子單子晉侯齊國佐邾人于柯陵以伐鄭在

魯成十七年

單襄公見晉厲公視遠步高

襄公王卿士單朝之

謚也時命事而不與會故不書厲公晉成公之孫景公之子厲公州蒲也視遠望視遠步高舉

足高預

晉卿錡見單子其語犯

錡其倚切○邾與音預

子駒伯也

邾見其語迺

又一矩切○邾見其語

卿邾錡之族父步揚之子苦

邾至見其語伐至

晉卿邾錡之弟子溫季昭子也伐

齊國佐見其

語盡

者國佐齊卿國歸父之子國武子也盡

魯成

公見言及晉難及卻鞏之譖

難乃旦切下同譖

宣公之子成公黑肱也言及晉難語次及晉將

師於魯成公將如會叔孫僑如適於成公之母

穆姜欲去季孟氏而取其室姜氏送公使逐季

孟公以晉難告請反而聽命姜怒公子偃公

之譖魯於晉侯曰魯侯後至者待於壞隕將以

待勝者也晉侯怒不見公故公為單子言之

藥盧官切蘖乙域切去羗呂切鉏仕居切壞戶

切為之之為於傷切單子曰君何患焉晉將有

亂其君與三卻其當之乎魯侯曰寡人懼不免
於晉今君曰將有亂敢問天道乎抑人故也
也將以天道占之對曰吾非瞽史焉知天道
乎以人事知之也

虔切 ○瞽樂太師掌知音樂風氣執同律以聽
軍聲而詔言凶史太史掌挹天時與太師同車
道者知天 吾見晉君之容而聽三卻之語矣殆必

禍者也夫君子目以定體足以從之

體手足也
論語曰四

體不勤

是以觀其容而知其心矣

心不固則
容不正

目以

處義

處敬呂切下
同○義宜也

足以步目今晉侯視遠而足

高目不在體

在存也

而足不步目其心必異矣目

體不相從何以能久夫合諸侯國之大事也於

是乎觀存亡故國將無咎其君在會步言視聽

必皆無謫則可以知德矣

謫竹草切或作
謫○謫謹也

視遠

日絕其義

言日日絕
其宜也

足高日棄其德

人君容止
佩玉有節

今步高失儀

言爽日反其信

爽或也聽淫日離

其名

離元智切○淫濫也離失也名聲也

夫目以處義足以

踐德

踐履也

口以庇信

庇覆也言行相覆為信○覆方富切行下

耳以聽名者也

耳所以聽別萬物之

故不可

不慎也偏喪有咎

喪亡也步言視聽四者而亡其二為偏喪偏喪有咎咎及

身既喪則國從之

既盡也四者盡喪國從而亡

晉侯爽二吾

是以云

爽當為喪字之誤也喪二視喪故言晉君當之

夫卻氏

晉之寵人也三卿而五大夫可以戒懼矣

三卿

至也復有五人為大夫故

高位寔疾僨

高者近危疾速

厚味寔腊毒

厚味寔腊毒

腊音昔○厚味音重禄也腊也讀若廟音酒為味厚也

其毒也
○亟音棘

今卻伯之語犯叔

季伐
伯錡也
季至

也犯則陵人
逆則誣人
伐則拚人

拚於檢切通
作掩○拚人

之有是寵也而益之以三怨其誰能忍之

孟猶加也

二怨陵
誣拚也雖齊國子亦將與焉

與音預○與猶與於禍也

立於

淫亂之國而好盡言以招人過怨之本也

招舉也

唯善人能受盡言

思聞過
以自改齊其有乎

言無也吾聞

之國德而鄰於不修必受其福

國德已國有德也鄰於不修與

不修德者
為鄰也

今君偏於晉而鄰於齊齊晉有禍可

以取伯無德之患何憂於晉且夫長翟之人利

而不義

伯音霸○長翟之人謂叔孫僑如也僑如之父得臣敗翟于鹹獲長翟僑如因

名其子為僑如利者好利而不義通於穆姜其
欲逐季孟而專魯國○臧戶絨切衛地也

利淫矣流之若何耳言其所利驕淫之事何魯侯歸

乃逐叔孫僑如簡王十一年諸侯會於柯陵王

十一年魯十二年晉殺三卻十三年晉侯殺上

如字下申志切汪殺之同○厲公既殺三卻藥

書中行偃懼誅執厲公而殺之於匠麗氏○麗

離於翼東門葬以車一乘乘實證切汪同○翼

侯七命遣車七乘以車一乘不君也禮諸齊人殺

國武子是年齊人又殺國佐也齊慶克通於靈

克以告夫人夫人愬之於靈
公靈公殺之在晉成十八年
晉孫談之子周適周事單襄公
談晉襄公之孫
惠伯談也周者

談之子晉悼公之名晉自獻公用麗姬之讒詛

作驪列池切詛莊立無跛跛彼義切又補火切

視無還還音旋○晴聽無聳不聳耳言無遠遠謂

非耳目言敬必及天乾乾天之敬言忠必及意自

為忠言信必及身而後及人言仁必及人博愛

仁言義必及利易曰利物足以和義言知必及

事知音知下同○能處事物言勇必及制以義

也勇而不言教必及辯辯別也○能分別是非乃

言孝必及神存者信矣則言惠必及蘇蘇古和

○惠愛也和睦乃能親愛言讓必及敵雖在匹敵晉

國有憂未嘗不戚

急其宗也

有慶未嘗不怡

慶福也怡說也

○說古

襄公有疾召頃公而告之

頃音傾下同告古毒切○

頃公單襄公之子也

曰必善晉周將得晉國其行也文

緯

天地能文則得天地天地所胙小而後國

胙存故切

下同○胙福也天之所福小則得國大則得天下

夫敬文之恭也

文者德之

總名恭者其別行也十一義皆如之

忠文之實也

忠自中出故誠也

信

文之孚也

孚覆也○覆扶又切又方富切義亦兩通

仁文之愛也

仁者

文之慈愛

義文之制也

義所以制斷事宜

知文之與也

知所載

德行文

勇文之帥也

帥所律切下並同○謂以勇帥行其心義

教文之

施也

施式致切○施布德化

孝文之本也

言人始於事親故孝為文

本
惠文之慈也慈愛也讓文之材也材用也象天能

敬言能則天帥意能忠帥循也思身

能信思誠其身乃為信也愛人能仁言

人乃利制能義以制為義也事建能知能慮立百

帥義能勇循義而行故能勇施辯能教施其

故能辯明之昭神能孝昭顯也慈和能惠

慈愛和睦推敵能讓與己體敵猶推也此十一者

夫子皆有焉夫子天六地五數之常也天有六

陽風雨晦明也地有經之以天緯之以地以天

五行金木水火土也經緯不爽文之象也爽差也

王質文故天胙之以天下夫子彼之矣

質文其質性有

文德也彼被服之也言文王質性有文其昭穆

德故得天下晉周則被服之可以得國

又近可以得國

昭音○父昭子穆穆字當作昭此

昭一穆相次而下近者

言周子之親與晉最近

還端也聽無聳成也

也成定

言無遠慎也夫正德

之道也

道德之路

端德之信也

端慤慤故信○

成德之

終也

志定故

慎德之守也

守守德也

守終純固道正

事信明令德矣

言周子明

慎成端正德之相也

相意亮切下同○

相善德○

慎成端

為晉休戚不

背本也

背音佩○

彼文相德非國何取

德被服文又以此

何取言必得國成公之歸也吾聞晉之筮之

也成公晉文公之庶子成公黑臀也歸者自周

立而成公○臀徒門切遇乾之否曰配而不終君

三出焉否皮彼切下同○乾下乾上乾坤下乾

天也君也故曰配配先君也不終子孫不終為

君也乾下變為坤坤地也臣也天地不交曰否

變有臣象三爻故三世而終上有乾乾天子也

五亦天子五體不變周天子國也三爻有三變

故君三一既往矣後之不知其次必此公一謂成

出於周一既往矣後之不知其次必此公一謂成

晉國

○規畫也臀尻也

三而昇驩之孫

○昇必利切

卷之四

故名之曰黑臀於今丹矣賈侍中云於今單襄

位成公生景公故言弄昭謂魯成十七年單襄公與晉厲公會於柯陵後二年而單襄公平其

其孫也此周子者晉而令德孝恭非此其誰且

於周其德又可以君國三襲焉

之大誓故曰朕夢協于朕卜襲于休祥戎商必

兒
王他蓋切
自謂也
○大誓
伐紂之誓也
故故事也
見

者也戎兵也言武王夢與十合又以三襲也武言

合義善之祥以兵伐殷當必克之也王夢卜祥三合故遂克商有天下也晉仍無道

而鮮胄其將失之矣鮮息淺切○仍數也鮮寡

道晉公族之後又寡少必蚤善晉子其當之也將失國也○數色角切

晉子頃公許諾及厲公之亂召周子而立之是

為悼公亂謂殺也

靈王二十二年靈王周簡王之子靈王泄心也

歲齊人城郊○穀洛闕將毀王宮穀洛都豆切○

郊古洽切下同也闕者兩水格有似於闕洛在王城之南穀在

王城之北東入於漚至靈王時穀水盛出於王

城之西而南流合於洛水毀王城西南將及王

連切

王欲壅之

壅於勇切。○欲壅防穀水使北出也。

太子晉諫曰

不可

○大他蓋切。後凡言太子並同。晉靈王太子也。蚤卒不立。

晉聞古之長

民者

長展兩切。○長猶君也。

不墮山

墮許規切。下同。○墮毀也。

不崇藪

崇高也。澤無水曰藪。

不防川

防郭也。流曰川。○郭又之亮切。

不實澤

澤居水也。實決也。不為此四者為反其天性。

夫山土之聚也藪物之

歸也

物所生也。

川氣之導也

導達也。易曰山澤通氣。

澤水之

鍾也

鍾聚也。

夫天地成而聚於高歸物於下

聚聚物也。

高山陵也。下藪澤也。

疏為川谷以導其氣

疏通也。

陂唐汚庫

以鍾其美

陂班廉切。唐如字。俗本作塘。說文無塘字。汚音烏。庫皮彼切。說文便俾切。

下同。○畜水曰陂。唐堤也。美謂滋潤。

是故聚不弛崩而物有所歸

地直氏切○大氣不沈滯而亦不散越沈直林切俗作

沈非也○沈伏也是以民生有財用而死有所葬

故有所歸故生有財用山陵不崩然則無夭昏

札瘥之憂而無饑寒之匱之患瘥才何切○短

札瘥疫死曰故上下能相固以待不虞虞度也○

下度古之聖王唯此之慎慎逆天性昔共工棄此

道也共音恭下並同○賈侍中云共工諸侯炎

侯與高辛氏爭而王也或云共工堯時諸侯為

堯時共工與此異也○虞於湛樂湛丁

又丈心切樂音洛下淫失其身欲壅防百川墮

高堙庫以害天下

堙於真切○堙塞也高謂山陵庫謂池澤○塞悉則切下

同 皇天弗福庶民弗助禍亂並興共工用滅其

在有虞有密伯鯀

密古崇字鯀古本切○有虞舜也鯀禹父密鯀國伯爵也

堯時在位而言有虞者鯀之誅舜之為也

播其淫心稱遂共工之過

播放也稱舉也舉遂共工之過者謂鄣洪水

堯用殛之於羽山

殛音棘○

殛誅也舜相堯殛鯀於羽山今在東海祝其縣南

其後伯禹念前之

非度

度法也 釐改制量

量力向切○釐理也象物量度也○度待洛切

天地

取法天地之物象也

比類百則類亦儀之

于民

儀準也

而度之於羣生

度之謂不傷害也

共之從孫

四岳佐之

從才用切○共共工也從孫昆弟之孫也四岳官名主四岳之祭為諸侯

伯佐助也言共工從孫為四岳之官掌帥諸高

高下下疏川道滯九澤也疏川決江疏河也道

滯鑿龍門鍾水豐物鍾聚也畜水潦封崇九山

關伊闕也封大也崇高也除其壅塞之言通其水泉使不

墮壞是謂封崇凡此諸言九者皆謂九州之中

山川數澤決汨九川汨音骨下同陂障九澤障之亮

防也豐殖九藪豐茂也汨越九原越揚宅居九隩

也隩于六切又于報切宅居合通四海故天

無伏陰伏陰夏有霜地無散陽散陽李水無

沈氣沈伏也火無灾燁燁音闌○燁起貌

切遙神無閒行閒古宴切○閒行民無淫心陽

調時用天故時無逆數逆數四時物害無生蝗

之屬不言嘉穀蝗戶光切爾雅作華孟切說

切帥象禹之功度之于軌儀也儀法也軌道莫非

嘉績克厭帝心厭於涉切謂禹與四岳也嘉

也天皇天嘉之胙以天下不胙祿也論語曰帝臣賜

姓曰姁氏曰有夏姁詳耳切姁封之於夏謂其能

以嘉祉殷富生物也氏社福也殷盛也賜姓曰姁

福殷富天下生育萬物姁猶大也胙四岳國命

為侯伯堯以四岳佐禹有功封於呂賜姓曰

姜姜四岳之堯炎帝之姓也炎帝世衰其後慶

後○復扶又切氏曰有呂為氏以國謂其能為禹股肱心膂

以養物豐民人也○股公戶切肱古能切膂音呂

肱以四岳能輔成禹功比於此一王四伯豈繫

多寵皆亡王之後繫一兮切○王謂禹四伯謂

豈辭也繫是也言禹與四岳豈是多寵之人易

亡王之後禹鯀之子禹郊鯀而治王之四岳共

工從孫共工侵陵諸侯以自王言皆無道而

非伯王所起明禹岳之興非因之也○追王之

王於况切下伯唯能釐舉嘉義舉用以有胤在

下守祀不替其典下後也有夏雖衰祀鄩猶在

鄩才陵切○祀鄩二國夏

申呂雖衰齊許猶在

後也猶在在靈王之世

唯有嘉功以命姓受

祀迄於天下

受祀謂封國受命祀社稷山川也迄至也至於有天下謂禹也祀

氏及其失之也必有悖淫之心閒之

悖慢也閒代也慢淫也故亡其氏姓路弊不

之悖慢也閒代也慢淫也故亡其氏姓路弊不

振

路蒲北切弊奸祭切或絕後無主無祭主也堙替

隸圉

替他計切圉魚呂切下同堙夫亡者豈

緊無寵皆黃炎之後也

工絲黃帝之後共唯不帥

天地之度不順四時之序不度民神之義

度上如字

下待洛切

不儀生物之則

儀準以殄滅無胤至

今不祀及其得之也必有忠信之心閒之

居間

其悖淫也

度於天地而順於時動

順四

令而動也蘇於民神而儀於物則故高朗令終顯融

昭明

朗明也終猶成也融長也

命姓受氏而附之以令名

附隨

也

若啓先王之遺訓

啓開也訓教也

省其典圖刑法

禮典

也圖象也

而觀其廢興者皆可知也其興者必有夏

呂之功焉其廢者必有共鯀之敗焉今吾執政

無乃實有所避

避違也

而滑夫二川之神

滑古忽切○滑

亂也

使至於爭明以妨王宮

明精氣也

王而飾之無乃

不可乎人有言曰無過亂人之門

過古禾切下同○亂人狂

恃怨亂之人也過其門干其怒也

又曰佐雖者嘗焉

雖一容切或作養○

雖亨煎之官也○亨匹貞切煎子延切

佐闔者傷焉又曰禍不好

不能為禍好呼莽切○猶財詩曰四牡騤騤

旒有翩亂生不夷靡國不泯牡木口切按經典

切旒音余旒音兆翩詩作偏泯面忍切又名賓

切○詩大雅桑柔二章也騤騤行貌鳥隼曰旒

龜蛇曰旒翩翩動搖不休止之意夷平也靡無

也泯滅也疾厲王好征伐用兵不得其所禍亂

不平無國又曰民之貪亂寧為荼毒○荼同都切

不見滅王十一章也寧安也荼苦也言民疾夫見亂而不

惕所殘必多其飾彌章章惕惕然恐懼也彌終也

不恐懼修省以銷灾咎而壅飾民有怨亂猶不

之禍敗終將章著○著張慮切可遏而况神乎王將防闔川以飾宮是飾亂而

佐闔也其無乃章禍且遇傷乎自我先王厲宣

幽平而貪天禍至於今未弭

弭止也此四王父相繼厲暴虐而

不宣不務農而料民幽昏亂以滅西周平不能修政至於微弱皆已行所致故曰貪天禍禍敗

至今未止

○我又章之懼長及子孫王室其愈

年乎其若之何自后稷以來寧亂

寧安也堯時鴻水黎民阻

民用又安

及文武成康而僅克安民自后稷

之始基靖民十五王而文始平之

基始也靖安也自后稷播

百穀以始安民凡十五王世修其德至文王乃平民受命也十五王謂后稷不窋鞠陶公劉慶

節皇僕差弗毀隄公非高國亞圉公祖大王王季文王也○窋宣出切鞠九陸切差楚宜切隄

音踰或作愉祖或十八王而康克安之

十八者加武王

成王康王其難也如是厲始革典十四王矣

革更

也典法也屬王無道變更周法至今十四王

音傾下同基德十五而始平基禍十五其不濟

乎三景王十五世吾朝夕微懼曰其何德之修而少光

王室以逆天休少猶裁也王又章輔禍

亂將何以堪之章明也王無亦鑒於黎苗之王

下及夏商之季鑒鏡也黎九黎苗三苗也少皞

謂氏衰三苗又亂堯誅之夏商之季上不象天而

下不儀地中不繇民而方不順時不共神祇四方

方也謂之而蔑棄五則法也謂象天儀地和民

神順時共是以入夷其宗廟而火焚其彝器夷滅也

尊彝宗廟之器子孫為隸下夷於民也隸役而亦未觀夫

前哲令德之則則此五者而受天之豐福饗民

之勲力子孫厚令聞不忘是皆天子之所知

也天所崇之子孫或在畎畝由欲亂民也問音下

篇並同畎公犬切○崇高也賈侍中云一耦之

數廣尺深尺為畎百步為畝昭謂下曰畎高曰畝畝畧也書曰異畝同類畎畝之人或在社稷

由欲靖民也靖治也無有異焉唯所行也詩云殷鑒不

遠近在夏后之世桀也將焉用飾宮以徼亂

也度之天神則非祥也比之地物則非義也類

之民則則非仁也方之時動則非順也咨之前

訓則非正也

焉於虔切徵古堯切訓作要度待洛切○客議也

觀之詩

書與民之憲言

詩書上亂生不夷之屬民之憲言無過亂人之門

皆亡

王之為也上下儀之無所比度王其圖之夫事

大不從象小不從文

象天象也文詩書也

上非天刑下非

地德

刑法也德循利也

中非民則方非時動而作之者

必不節矣作又不節害之道也王卒壅之及景

王多寵人亂於是乎始生

卒遵聿切○景王周靈王之子太子晉之

弟也多寵人謂寵子朝及臣賓孟之屬也

景王崩王室大亂

景王無適子既

立子猛又許賓孟立子朝未立而王崩單子劉子立子猛而攻子朝王室太亂○適丁歷切

及定王王室遂卑

定王頃王之子靈王祖父而言及定王王室遂卑非也定

當為貞貞王名介敬王子也是時大臣
專政諸侯無伯故王室遂卑○伯音霸

晉羊舌肸聘於周肸許乙切肸之子叔向肸晉大夫羊舌肸

又許丈切發幣於大夫及單靖公發其禮幣於周

靖公王卿士單襄靖公享之儉而敬車禮薄

也賓禮贈餞視其上而從之賓禮所以賓待叔

上日贈以飲食日餞餞郊禮也上位在靖公燕

無私燕一見切○無私好貨及送不過郊至郊

亦言語說昊天有成命說古悅字○語宴語所

命周頌單之老送叔向老家臣室老也禮卿

向告之曰異哉吾聞之曰一姓不再興今周其

興乎其有單子也

一姓一

昔史佚有言

史佚周武王時

太史

曰動莫若敬

敬可也

居莫若儉

儉易容也

德莫若

讓

讓遠也 遠於願切

○事莫若咨

咨寡失也

單子之况我禮

也皆有焉夫宮室不崇

崇言也

器無彤鏤儉也

徒形

冬切 〇形丹也 鏤刻金飾也

身聳除潔

聳懼也 除治也 〇治直吏切

外內

齊給敬也

外在朝廷內治家 齊整也 給備也

宴好享賜不踰其

上讓也

好呼報切 〇宴好所以通情結好也 〇賜所以酬賓賔賔下也 〇酬時流切 或作

賓之禮事放上而動咨也

放甫兩切 〇放依也 咨言必與上

如是而加之以無私重之以不穀

穀下交切 〇穀離也

衆人過郊單子獨

能辟怨矣居儉動敬德讓

啓而能辟怨以為卿佐其有不興乎且其語說

昊天有成命頌之盛德也辟音避○盛德二后也謂成王即位始郊

見推文武受命之功以郊祀其詩曰昊天有成

命二后受之成王不敢康昊天大踰也二后文武也康安也言吳

天有所成命文武則能受之謂修己自勤以風

成其王功非謂周成王身也賈鄭唐說皆然

夜基命宥密夙蚤也夜莫也基始也命信也宥

行信命以寬仁寧靜為務緝熙亶厥心肆其靖

○蚤古早字下同莫音暮之肆固也靖和也言二君能光也亶厚也厥其也

以固和是道成王之德也是詩道文武成王能

明文昭能定武烈者也烈威也言能明其文使

夫道成命者而稱昊天翼其上也稱舉也二后

受之讓於德也謂推功也書曰允恭克讓賈唐

以能讓有德也謂詢於成王不敢康敬百姓也

言不取自安逸者是其夙夜恭也夙夜敬事曰

敬百姓也百姓百官基始也命信也宥寬也密寧也緝明

至于日昃也熙廣也鄭後司農云廣當亶厚也肆固也靖

也讓為其始也翼上德讓而敬百姓其始篇之首

始也其中也恭儉信寬帥歸於寧帥所律切

句也帥循也言其恭儉信其終也廣厚其心以

固寬循而行之歸於安民其終也廣厚其心以始於德讓中

於信寬終於固成王命也辭故曰成成其單子儉敬讓

咨以應成德應當也單若不興子孫必蕃後世不

忘詩曰其類維何室家之壺蕃扶袁切壺口本切下同○詩大雅

既醉之六章也類族類也壺相也言孝子之行先於室家族類以相致乃及於天下也君

子萬年永錫祚胤胤羊刃切○祚類也者不忝

前哲之謂也言能以孝道施於族類故不辱前哲之人壺也者廣裕

民人之謂也萬年也者令聞不忘之謂也祚胤

也者子孫蕃育之謂也蕃息也育長也單子朝夕不忘

成王之德可謂不忝前哲矣膺保明德膺抱也保持也

以佐王室可謂廣裕民人矣若能類善物以混

厚民人者必有章譽蕃育之祚也物事也混同則

單子必當之矣單若有關必茲君之子孫實續

之不出於它矣單單氏之世也關缺也蓋此也此石靖公也它它族也

景王二十一年將鑄大錢景王周靈王之子景

昭之十八年也錢者金幣之名所以買買物通財用也古曰泉後轉曰錢賈侍中云虞夏商周

金幣三等或赤或白或黃黃為上幣銅鐵為下幣大錢者大於舊其賈重也唐尚書云大錢重

十二銖文曰大泉五十鄭後司農說周禮云錢始蓋一品也周景王鑄大錢而有二品後數錢

易不識本制至漢唯五銖久行王莽時錢乃有十品今存於民多者有貨布大泉貨泉大泉徑

寸二分重十二銖文曰大泉五十則唐君所謂大泉者乃莽時泉非景王所鑄明矣又景王至

赧王十三世而周亡後有戰國秦漢幣初改鑄不相因老師所不能紀或云大錢文曰寶貨皆

非事實又單穆公云古者有母平子子權母而行然則二品之來古而然矣鄭君云錢始一品

至景王有二品省之不孰耳○貿音茂買惡作貨賈音稼或音價數音朔重直隴切下並同報

女限切省單穆公曰不可靖穆公之王卿士單古者悉井切

天災降戾旱降下也戾至也災謂水於是乎量資

幣權輕重以振救民財也權稱也振拯也○度

待洛切拯民患輕則為之作重幣以行之幣民患

而物貴則作重幣以行其輕也於是乎有母權子而行民皆得

焉重曰毋輕曰子以子貿物物輕則子獨行物重則以母權而行之子毋相通民皆得其欲

若不堪重則多作輕而行之亦不廢重於是乎

有子權母而行小大利之堪任也不任之者幣重物輕妨其用也故

作輕幣幣雜而用之以重者買其貴以輕者買其賤子權母者母不足則以子平而行之故錢小

也大民皆以為利切今王廢輕而作重民失其資能

無匱乎廣輕而作重則本竭而若匱王用將有

所乏民財匱無以供上之則將厚取於民厚取

也民不給將有遠志是離民也遠於願切

也且夫備有未至而設之之謂國備也未至而設

忘有至而後救之至而後救之謂豫備不虞安不是

不相入也二者先後各有宜不相為用也可先而不備謂

之怠先急緩也切可後而先之謂之召灾謂民未

重之離民匱財是謂召灾周固羸國也天未厭禍

焉而又離民以佐灾無乃不可乎

厭於監切又言

周故已為羸病之國將民之與處而離之將灾

是備禦而召之則何以經國

處敵呂切○君以善政為經臣奉而

成之為

國無經何以出令令之不從上之患也

故聖王樹德於民以除之

樹立也除除令不從之患

夏書有

之曰關石鬴均王府則有

夏書逸書也關門關之征也石今之斛也

言征賦調均則王之府藏常有也

詩亦有之曰

瞻彼旱麓榛楛濟濟

鹿詩作麓古字通榛仕巾切又側巾切楛音戶濟子

禮切○詩大雅旱麓之首章也旱山名山足曰鹿榛似栗而小楛木名濟濟盛貌盛者言王者

之德被及也

愷悌君子千禄愷悌

愷苦亥切悌徒禮切○愷樂也悌易

也千求也君子謂君長也言陰陽調草木盛故

君子以求得其心樂易○長展兩切下同樂待

以致切下同夫旱鹿之榛楛殖殖也長故君子得

以易樂千祿焉若夫山林匱竭林鹿散亡藪澤

肆既肆極也謂無山林衡虞之政民力彫盡田疇荒蕪

資用之匱彫傷也藪地為田麻地君子將險哀

之不暇而何易樂之有焉險危也且絕民用以實

王府絕民用謂費小猶塞川原而為潢汚也其

竭也無日矣無日數也○潢潢戶光切竭盡

若民離而財匱灾至而備亡王其若之何備亡

備也灾之吾周官之於灾備也其所怠棄者多矣周官

周六官灾備
備灾之法令

翳於計切○善政藏於
民翳猶屏也人民也奪

王弗聽卒鑄大錢

韋平
切導

射音亦下
及後篇並

同○景王二十三年魯昭之二十年賈侍中云
無射鍾名律中無射也大林無射之覆也作無

射而為大林以覆之其律中林鍾也或說云鑄無射而以林鍾之數益之昭謂下言細抑大陵

又曰聽聲越遠如此則賈言無射有覆近單穆

公曰不可作重幣以絕民資又鑄大鐘以鮮其

經重直隴切下並同鮮息淺切終篇同○若積

聚既喪又鮮其繼生何以殖

積聚既喪謂廢小錢生財也殖長也

○長展兩切後同

且夫鍾不過以動聲

動聲謂合樂以金奏而八音從

之若無射有林耳不及也

若無射復有大林以覆之無射陽聲之細

者林鍾陰聲之大者細抑大陵故耳不能聽及也

夫鍾聲以為耳也耳

所不及非鍾聲也

非法鍾之聲也

猶目所不見不可以

為目也

若目之精明所不能見亦不可以施目也耳目所不能及而強之則有眩惑之

失以生疾也○強

夫目之察度也不過步武尺

寸之間

間古間字凡後同○六尺為步賈君以半步為武

其察色也不

過墨丈尋常之間

五尺為墨倍墨為丈八尺為尋倍尋為常耳之察

餘也在清濁之間

清濁律呂之變也黃鍾為宮則濁大呂為角則清

察清濁也不過一人之所勝勝式陵切是故先

王之制鍾也大不出鈞重不過石鈞所以鈞音

長七尺有弦繫之以為律度量衡於是乎生力量

向切下並同○律五聲陰陽之法也度丈尺也

量斗斛也衡稱上衡衡有斤兩之數生於黃鍾

黃鍾之管容秬黍千二百粒粒百為銖是為一

命命二為合合重一兩故曰律度量衡於是乎

生○稱尺證切秬其呂小大器用於是乎出出

切命音藥合古合切人慎之今王作鍾也聽之弗及耳不及知比之

不度不度不中鈞石之鍾聲不可以知耳不蘇耳不

故不可制度不可以出節量衡謂法度無益於樂

而鮮民財將焉用之夫樂不過以聽耳而義不

過以觀目若聽樂而震觀義而眩患莫甚焉夫

耳目心之樞機也馬於虔切○樞機發動也故

必聽而視正聽而聽則聰視正則明習於和正則不眩惑

也聰則言聰明則德昭聽言昭德則能思慮純

固以言德於民民歆而德之則歸心焉歆許金切○歆

猶歆歆喜服也言上得民心以殖義方殖立也方道也

是以作無不濟求無不獲然則能樂夫耳內

聲而口出義言內奴答切借為納字下同○耳聞和聲則口有義言此感於物

也以為憲令憲法而布諸民正之以度量民以

心力從之不倦成事不貳樂之至也貳變口內

味而耳內聲聲味生氣口內五味則耳樂五聲也

○樂虛各切氣在口為言在目為明言以信名

又五教切信審也名明以時動視明則動得其時也名以成政蹕令也

政動以殖生殖長也動得其時也政成生殖樂之

至也若視聽不齟而有震眩則味入不精不精

則氣佚氣佚則不齟佚音逸○不和無射大祿

則味入不精美味入不精美於是乎有狂悖之

言有眩惑之明有轉易之名有過慝之度悖切

慝音忒○慝惡也此四者氣佚之所生也狂悖眩惑說子朝寵賓孟也轉易過惡嬖子配適將

終大臣也○說古出令不信有轉刑政放紛動

不順時民無據依不知所力各有離心為盡力

也上失其民作則不濟求則不獲其何以能樂

三年之中而有離民之器二焉二謂作大錢國

其危哉王弗聽問之伶州鳩伶力丁切○伶司

對曰臣之守官弗及也守官所守之官也臣聞

之琴瑟尚宮凡樂輕者從大重者鍾尚羽鍾聲

尚石尚角石磬也輕於鍾故匏竹利制匏白交

笙也竹簫管也利制以聲大不踰宮細不過羽

夫宮音之主也第以及羽宮聲大故為聖人保

樂而愛財財以備器樂以殖財保安也備具也

樂省二風而紀農事故曰故樂器重者從細謂重

金石也從細尚細聲輕者從大謂瓦絲尚官也

是以金尚羽石尚角瓦絲尚宮匏竹尚議議

調革木一聲革鼓也木柷圉也一聲無清濁

呂切經作夫政象樂樂從和和從平和八音克

大不踰也故可以平民聲以龠樂律以平聲五

聲以成八音而調樂也賈侍中云律黃鍾為宮

平五聲也徵張里切大金石以動之鍾石所

他蓋切發音湊洗素典切五絲竹以行之以絃管所詩以道之道或作導

之曰詩書歌以詠之詠詠詩也書曰匏以宣之

也瓦以贊之贊助草木以節之物得其常曰

樂極極中事也極之所集曰聲集會也言中和之

聲應相保曰穌保安細大不踰曰平細大之

曰平今無射有如是而鑄之金鑄金以磨之石

為磬也繫之絲木繫絲木以越之匏竹越匏竹

管越謂為之孔也樂節之鼓節其長而行之以

遂八風遂猶順也傳曰所以節八音而行入

匏為不周正北曰坎為草為廣莫東北曰巽為

景風西南曰坤為瓦為涼風於是乎氣無滯陰

亦無散陽

陽滯積也積陰而發則夏有霜電散陽

角切陰陽序次風雨時至嘉生繁祉人民蘇利物

備而樂成上下不罷

祉救里切罷音皮

故曰樂

正今細過其主妨於正

細謂無射也主正也言

太過其律

用物過度妨於財

金過度用

正害財匱

妨於樂

樂從和今正害

細抑大陵不容於耳非

蘇也

細無射也大大林也言大聲陵之細聲抑

切聽聲越遠非平也

越近也言無射之聲為大

平也妨正匱財聲不蘇平非宗官之所司也

宗官

樂官

夫有蘇平之聲則有蕃殖之財

樂以殖

是乎道之以中德詠之以中音中德中庸之德也中音中和

之音德音不愆以合神人合神人謂祭祀享宴也神是以

寧民是以聽聽從也若夫匱財用罷民力以逞淫

心逞快也聽之不繇比之不度無益於教而離民

怒神非臣之所聞也王不聽卒鑄大鐘卒導車切○財

匱故民離樂不和故神怒也二十四年鍾成伶人告繇伶人樂人

也景王二十四年魯昭二十一年王謂伶州鳩曰鍾果繇矣對

曰未可知也州鳩以為鍾實不和伶人媚王謂之和耳故曰未可知也王曰

何故對曰上作器民備樂之則為繇樂廬各切○言聲音

之道與今財亡民罷莫不怨恨臣不知其繇也政通也

亂也之音怨以怒故曰不知其和也且民所曹好鮮其不濟也呼好

郭切○其所曹惡鮮其不廢也故諺曰衆心成

城惡鳥路切○衆心所好衆口鑠金鑠消也免

金石猶可今三年之中而害金再興焉害金害

謂錢懼一之廢也其二金之中王曰爾老耄矣何

口耄莫報切○八十二十五年王崩鍾不蘇而崩

言鍾不和者明樂入之諛

王將鑄無射王景問律於伶州鳩律鍾對曰律

所以立均出度也律謂六律六呂也陽為律陰

寅夷則無射也六呂林鍾中呂夾鍾大呂應鍾

蓋切鍾二小清濁也漢大予樂官有之○大宅

各律同度律同古之神瞽考中聲而量之以制切○神

瞽謂之神瞽考合也謂合中而為樂祖祭於瞽宗

也制樂也度律均鍾百官軌儀也均平也軌道也儀法

短以平其鍾和其聲以立百事之道法也紀之

以三三天地人也古者紀聲合樂以舞乎之以

六章平之以六律也上成於十二十二陽相扶助律取

妻呂生子上下相生之數備也天之道也天不過十二數夫六中之

色也故名之曰黃鍾六十一者天地之中黃鍾乾初九也

生五味天有六母地有五子十一而天地畢

六律之首故以六律正色為黃鍾之名重元正
始之義也黃鍾陽之變也管長九寸徑三分圍
九分律長九寸因兩九寸之九九八十一故黃鍾
之數立焉為宮法云九寸之一得林鍾初六六
呂之首陰之變管長六寸六律之律坤之始也
故九二陰陽夫婦子母之道是以初九為黃鍾
黃中之色也鍾之言陽氣所以宣養六氣九德
鍾聚於下也○重直隴切所以宣養六氣九德
也宣徧也六氣陰陽風雨晦明也九德九功之
德水火金木土穀正德利用厚生也十一月
陽伏於下物始萌於五聲為宮含元慶切由是
所以徧養六氣九德之本○慶敬呂切

第之也由從也第次二曰大蕤正月曰大蕤乾九

云九分八大蕤言所以金奏贊陽出滯也贊

陽氣大蕤達於上也也所以金奏贊陽出滯也佐

也賈唐云大蕤正聲為商故為金奏所以佐三
陽發出滯伏也明堂月令曰正月蟄蟲始震三
曰姑洗所以脩潔百物考神納賓也三月日姑

也管長七寸一分律長七寸九分也言陽氣養生洗濯枯穢改柯

易葉也於正聲為角是月百物脩潔故用四曰

之宗朝合致神人用之享宴可以納賓也四曰

蕤賓所以安靖神人獻酬交酢也五月日蕤賓

乾九四也管長六寸三分律長六寸八分十一分

可之二十六蕤委蕤柔貌也言陰氣為主委蕤

於下陽氣盛長於上有以於賓主故可用之宗廟賓客以安靜神人行酬酢三酬勸也酢報也

○委於危切盛五曰夷則所以詠歌九則平民

長之長辰兩切無貳也律長五寸七百二十九分寸之四百五

十一夷平也則法也言萬物既成可法則也故可以詠歌九功之則成民之志使無疑貳也

六曰無射所以宣布哲人之令德示民軌儀九月日無射乾上九也管長四寸九分律長四寸六分千五百六十一分寸之六千五百二十四

宣編也軌道也儀法也九月陽氣收藏萬物無射見者故可以編布前哲之令德示民道法也

為之六閒以揚沈伏而黜散越也閒古宴切下並同○六閒

六呂在陽律之閒沈滯也黜去也越揚也呂陰律所以侶閒陽律成其功發揚滯伏之氣而去散越者也伏則不宣散則不和陰陽序次風雨時至所以主物也元閒大呂助

宣物也十二分法云三十分之二四寸二分四寸三分八寸之五十二倍之為八寸分寸之一百四下生律元一也陰繫於陽以黃鍾為主故曰元閒以

陽為首不名其初臣歸功於上之義也大呂助陽宣散物也天氣始於黃鍾萌而赤地受之於

大呂牙而白成二閒夾鍾出四隙之細也二月夾

黃鍾之功也

鍾坤六五也管長七寸四分律長三寸二千一

百八十七分寸之一千六百三十二倍之為七寸分寸之千七十五隙閒也夾鍾助陽鍾聚也細也四隙四時之閒氣微細者春為陽中萬物

始生四時之微氣皆始於春春發而出之三閒

中呂宣中氣也

寸四月日中呂坤上六也管長六

八十三分寸之六千四百八十七倍之為六寸

分宣散於外純乾用事陰閉藏於內所以助陽

正音征下四閒林鍾和展百事俾莫不任肅純

恪也六任而林初八而鳩切○六月日林鍾坤初

象盛也鍾聚也於正聲為徵展審也俾使也肅

詐也其莫不任六職事速其功五閒南呂贊陽

秀也八月日南呂坤六二也管長五寸三分律

也陰任陽事助成六閒應鍾均利器用俾應復

也十月日應鍾坤六三也管長四寸七分律長四寸二十七分

物鍾聚百嘉具備時務均利百官器用程度庶品使皆應其禮復其常也月令孟冬命工師效

功陳祭器案程必功或詐偽律呂不易無姦物

也時則神無姦行物無害生細鈞有鍾無罇昭

其大也鍾音搏○細細聲謂角徵羽也鈞調也

節兩細不相和故以鍾為節大鈞有罇無鍾大謂

也舉宮商而但有罇無鍾為兩大大甚大無罇鳴

其細也甚大謂同尚大聲也則又去大昭小鳴

和之道也大聲昭小聲龢平則久久可久樂也

下則樂久固則純固安也可久則安安則純也

故樂同孔子曰從之純如也○從音

縱純明則終終成也書曰終復則樂終復則樂

所以成政也言政象故先王貴之貴其和平可

王曰七律者何周有七音王問七音之律意謂

為商姑洗為角林鍾為徵南呂對曰昔武王伐

殷歲在鶉火鶉音淳○歲歲星也鶉火次名周

為羽應鍾為變宮蕤賓為變徵

為火謂武王始發師東行時殷之十一月二十

八日戊子於夏為十月是時歲星在張十三度

張鶉火也○分月在天駟天駟房星也謂戊日

扶問切下同在析木之津析星歷切○津天漢也析木次名

間為漢津謂戊子辰在斗柄斗辰日月之會斗柄

日日宿箕七度

三日得周正月辛卯朔於殷為十二月星在天

夏為十一月是日月合辰斗前一度

龜

龜音元○星辰星也天龜次名一曰玄枵從須女入度至危十五度為天龜謂周正月辛

卯朔二日壬辰辰星始見三日癸巳武王發行

二十日戊午度孟津距戊子二十一日二十

九日巳未晦冬至辰星在須切星與日辰之位皆

在北維星辰星在須女日在析木之津辰

顓頊之所建也帝嚳受之顓音專顓許六切嚳

頊帝嚳所代也帝嚳周之先祖后稷所出也禮

祭法曰周人禘嚳而郊稷顓頊水德之王立於

北方帝嚳木德故受之於水今周亦木我姬氏

出自天龜周之皇妣王季之妃大姜者逢伯陵也

之後齊女也故言出於天龜傳曰有逢伯陵因

有建星及牽牛焉

從斗一度至十一度分屬析木日辰所在也建星在牽牛

間謂從建星所在須女天龍之首至析木類也則我之分建星及牽牛皆水宿言得水類也

皇妣大姜之姪伯陵之後逢公之所馮神也

馮皮

冰切○皇君也生曰母死曰妣大姜大王之妃王季之母姜女也女子謂昆弟之子男女皆曰姪伯陵大姜之祖有逢伯陵也逢公伯陵之後

大姜之姪之諸侯封於齊地齊地屬天龍故紀天龍死而配食為其神主故云馮馮依也言

天龍乃皇妣家之所馮依非但合於水木相承而己又我實出於水家周

道起於大王故本於大姜歲之所在則我有周

之分野也

歲星在鶉火鶉火周之分野歲星所在利以伐人

月之所在

辰馬農祥也

辰馬謂房心星也心星所仁大辰之次為天駟駟馬也故曰辰馬言

月在房合於農祥也祥猶象也房星晨正而農事起故謂之農祥

我太祖后稷

之所經緯也

也稷播百穀故農祥后稷之所經緯也晉語曰辰以成善后稷是相○

相息亮切

王欲合是五位三所而用之

王武王也五

辰也

三所逢公所馮神周

自鶉及駟七列也

鶉

分野所在

后稷所經緯也

火之分張十三度駟天駟房五度歲月之所在

從張至房七列合七宿謂張翼軫角亢氏房之

切氏丁兮切又丁計切

律也揆度也歲在鶉火午辰星在天鼃子鶉火

周分野天鼃及辰水星周所出自午至子其度

也

凡神人以數合之以聲昭之

凡凡合神人之樂也以數

合之謂取其七也以

聲昭之用律調音也

謂

神人相應

故以七同其數而以律齟其聲於是乎有

七律

七同其數謂七列七同七律也

王以二月

癸亥夜陳未畢而雨

陳直刃切下陳師夜陳並同○二月周二月四日癸

亥至救野之日夜陳師陳師未畢而雨兩兩天地神人叶同之應也

以夷則之上

宮畢之

夷平也則法也夷則所以平民無或也上宮以夷則為宮聲夷則上宮也故以

畢陳周禮大師執同律以聽軍聲而詔言凶一日陽氣在上故曰上宮

當辰辰在

戌上故長夷則之上宮名之曰羽

長辰兩切○長謂先用之

也辰時也辰日月之會斗柄也當初陳之時周二月昏斗建丑而斗柄在戌上下臨其時名其

樂為羽羽翼其衆也

所以藩屏民則也

屏蔽也羽之義取能藩蔽民使中法

則也○中陟仲切

王以黃鍾之下宮布戎于牧之野

布戎

陳兵也謂夜陳之晨旦甲子昧爽左杖黃鉞名此桓桓也黃鍾在故謂之厲所以厲六師也樂為

下故曰下宮

故謂之厲所以厲六師也

樂為

厲者所以厲六軍之象也。以大蕞之下宮布令於商，昭顯文。

德底紂之多臯。

底音旨。○商紂都也。文王也。既殺紂，入商之都，發踴。

施令以昭明文王之德，致紂之多臯。大蕞，所以贊陽出滯，蓋謂釋箕子之囚，散鹿臺之財，發臣

橋之粟也。大蕞，故謂之宣。所以宣三王之德也。

三王大王王季文王也。反及羸內以無射之上宮布憲施。

舍於百姓。

羸音嬌。下同。內音納。施式鼓切。舍音捨。○羸內地名。憲法也。施施惠。舍舍音

臯也。無射所以宣布哲人之令德。故謂之羸亂。

所以優柔容民也。

亂治也。柔安也。

景王既殺下門子。

下門子周大夫王子猛之傳也。景王無適子，既立子猛，又

欲立王子朝，故先殺子猛。賓孟適郊，見雄雞自

斷其尾

斷丁管切。賓孟起也。周大

問之侍者曰憚

其犧也

犧許宜切。○侍者孟之從臣也。憚懼也。純美為犧。祭純所用言雞自斷其尾者

懼為宗廟所用也。○從慈用切。下皆從同。

還歸告王

告古毒切。○還猶疾也。賓孟有

寵於王欲立王子朝。王將許之。故先殺下門子。賓孟知意。故感犧之羞。念及子朝疾歸。語王勸

立之。○語

曰吾見雄雞自斷其尾而人曰憚其

犧也吾以為信畜矣

信誠也。雞長為宗廟之用。故自斷其尾。此誠六畜之

情不與人同。

人犧實難已犧何害

人犧謂雞也。為人作犧實難。言將見

殺也。已謂子朝已自為犧。當何害。乎人君冕服有似於犧。故以喻焉。

抑其惡為人

用也乎則可也

惡鳥路切。○言雞惡為人所用。故自斷其尾。可也。自可爾也。

人異於是

異於雞也。人之美則

犧者實用人也

用人猶治也人自作犧則能治人○治直吏切王弗應弗應者曉其田

于鞏鞏九貢切○鞏北使公卿皆從將殺單子

未克而崩單子單穆公也克能也王欲廢子猛

疾而崩故未能也在魯昭二十二年○更古衡切

敬王十年劉文公與襄弘欲城成周為之告晉

襄直良切為於偽切告古毒切○敬王景王之

子悼王之弟敬王可也十年魯昭三十二年劉

文公王卿士劉摯之子文公卷也襄弘周大夫

襄叔也欲城成周者欲城成周之城也成周在

瀍水東王城在瀍水西初三王子朝作亂於魯昭

二十三年夏王子朝入於王城敬王如劉秋敬

王居於翟泉翟泉成周之城周墓所在也魯昭

二十六年四月敬王師敗出居於滑十月晉人

救之王入於成周子朝奔楚子朝既奔其餘黨

僭扁之徒多在王城敬王畏之於是晉徵諸侯

戌周月役煩勞故養弘欲城成周使富新石張

為主如晉請城成周也○巧古害切卷巨負切

又券勉切僂丁甘切扁芳魏獻子為政正卿魏

連切或作細又必淺切說古悅字○說好將合

舒也子說養弘而與之養弘從其求也

諸侯合諸侯衛彪侯適周聞之彪甫留切侯胡

也大夫見單穆公曰養劉其不沒乎沒終周詩有

之曰天之所支不可壞也周詩飢時所歌支挂

主挂知其其所壞亦不可支也昔武王克殷而作此

詩也以為飢歌名之曰支以遺後之人使永監焉遺唯季切下同同監觀也夫禮之立成者為飢立

立行禮也昭明大節而已少曲與焉曲也與類也

言飲禮所以教民敬戒昭明大體而已故其詩樂少章曲威儀少比類也是以為之

日惕其欲教民戒也

惕懼也 是日自惡 懼欲民知戒慎也

然則

夫支之所道者必盡知天地之為也

知天地之為謂所支

也不然不足以遺後之人今襄劉欲支天之所

壞不亦難乎自幽王而天奪之明使迷亂棄德

而即惛淫

惛吐刀切也 惛慢也 即

以亡其百姓其壞之

也久矣而又將補之殆不可矣

殆近也

水火之所

犯

犯言也

猶不可救而况天乎諺曰從善如登從

惡如崩

如登如崩 喻難

昔孔甲亂夏四世而殞

孔甲後

十四世也 亂夏亂禹之法 四世孔甲至桀四世而亡

玄王勤商十有四世

而興

故玄王契也殷祖契由玄鳥而生湯亦水德

契至湯十四世而有天下

言其難也契息列切

帝甲亂之七世而殞

帝甲湯後二十五世也亂

后稷勤周十有五世

而興

自后稷至文

幽王亂之十有四世

自幽王至今

王十四世也

守府之謂多胡可興也

胡何也夏殷之亂或四世或七

世而亡今周十有四世而無德以救之雖未亡

夫周高山廣川大藪也故能生之良材

口藪素切

○言周之道德禮法所以長育賢材猶天之有山川大藪良材之所生也○長展兩切

幽王蕩以為魁陵糞土溝瀆其有悛乎

魁苦回切悛音

之銓○蕩壞也小阜曰魁悛止也言幽王敗亂周之法度猶壞毀高山以為魁陵糞土殘絕川藪

以為溝瀆無時單子曰其咎孰多謂莒曰莒叔必

速及夫將以道補者也莒叔莒弘字也速及速

以天道補人事夫天道道可而省不省山景切不方有

也也莒叔反是以誑劉子誑古放切切必有三殃違

天一也支所反道二也補以天道誑人三也惑劉

周若無咎莒叔必為戮雖晉魏子魏獻亦將及

焉咎及若得天福其當身乎當其身禍尚微後

若劉氏則必子孫實有禍殃及夫子而棄常法

以從其私欲棄常法不修周法也用巧變以崇

天灾巧變者見周滅於西都平王東遷以獲久

勤百姓以為己名其殃大矣名勤勞也是歲也魏

獻子合諸侯之大夫於翟泉是歲敬王十一年遂

田於大陸焚而死田以火田也及范中行之難

襄弘與之晉人以為討二十八年殺襄弘行戶切


難乃旦切與羊茹切○范中行晉大夫范吉射

中行寅也作難叛其君初劉氏范氏世為婚姻

襄弘事劉文公故周人與范氏敬王二十八年魯哀三年晉人以讓周周為之殺襄弘及

定王劉氏亡劉氏文公之子孫也定亦當為貞

國語第三



國

元